

商城縣志

北史卷之十二
35
-3

卷之十二

藝文志上

詩 賦

商城縣志卷之十二



知商城縣事榮河武開吉纂修

藝文志上 詩 賦

志以事作非如後世文選博采諸家彙輯衆體侈鴻製也然取古者十五國風八國國語以及晉乘楚檮杌與夫各國春秋之旨繹之則列國史書與其聲詩文誥相輔而行在昔非無其例所謂文獻互徵貴實不貴文也舊志採錄甚夥百餘年間文人學士著作實繁以富茲廣爲蒐羅仍復嚴爲棄取其有關於山

商城縣志

卷之十二

藝文志上

一

川建置者錄之有關於國計民生者錄之上而典禮學校下而人物風土苟與邑無與雖佳不入良以軒輶之採太史之陳自邑乘始蓋其慎也省志云靡麗荒唐之辭謂之空言空言無補不錄可也其詩訶疏奏傳記碑文仍依舊次而祥異附焉作藝文志

詩 凡二百五十六首

留寄黃檗山妙湛禪師

宋 張元幹

晨發薊城越數峯我來師出失從容白雲遮日蔽秋寺青嶂聞猿驚暮鐘世亂可無閑地隱山深偏覺老僧慵他年

芋火談空夜雪屋松窻約過冬

游銅井山

明 盧 熊

行春入銅山披榛訪苔碣展席具琴尊譚詩惕林樾溪柳
漸生黃谷鶯未調舌文漪細含風小梅清映雪眷彼素心
人寒香不堪折

暮春射獵銅井山中

劉 繪

風落谿囊河柳青烟消火井澗花零片月掛處掩銀鏡雜
雲飛來披繡屏繡屏開翠帳起畋兒搖鋏山凝紫罌維彩
霧中雕騎香埃裡古冶裂元熊中黃批文兕草頭一點鳴

商城縣志

卷之十二 詩

二

鏑來蛇弓抱月虎筋開紅帕蓋馬養由去白羽摧風蒲子
回手柔弓燥花間騁灑毛濺血金鞍冷崖前錦雉墮飛翎
天邊白雁無留影更有雄鷹據上鞦白雀黃頤月兔愁月
兔愁素霓收春星散林壑夜渚帶山樓樵童牧豎歡相顧
野魅封狐嗔不留竹籬層結臨丹壁旋旆笙歌縟川澤解
腥蟠豹醉獵徒卧夢長揚子虛客

題三教洞

劉黃裳

窠窠南山陞霾靡映蒼紫矯彼東奔岑懸磬張旖旎桂樹
何團團白石何齒齒始悟太易因元氣含不止渾然水土

精轉此火風裏神人吹成之虛無一竅耳山澤自相通華
滋滴石髓文豹守雲關應龍卧金水二氏非敦倫聖儒亦
不已嘗觀天載篇聲臭俱無矣古人將無同誰能決真理
安得圓機人相與論斯旨

春日登霸王臺

王穉登

蓋世雄圖歎千秋戍壘存雲屯原此地草鞠已荒村宿莽
經寒曉平蕪帶雨痕誰憐爭戰處日暮有啼猿

憶君子亭有感文受寰司馬

進士 周之綱 邑人

城南雲樹鬱蒼青君子名題舊有亭蔣詡留園無韻客王

商城縣志

卷之十一 詩

三

猷看竹已空庭松筠久閉孤岩月花鳥閒愁傍水汀讌笑
當年思北海蕭條今日幾晨星

游鐵佛寺

周之綱

東南名利無多寺不到珠林逾廿年白髮蒼顏仍杖履青
松綠竹共盤旋僧寮冷落供齋鉢蓮座清涼淨法筵從此
招尋常結侶河橋堤柳醉雲烟

周司馬公令姪封公姪孫孝廉瑞明北園飲泛晚眺

城上作

葛一龍

太傅姬歌康樂酒辟疆園縮孝廉船迷花不信爲今日問

竹會過是去年地僻曲周村落水氣芳長養蔚藍天獨留
明月歸來看城北城東萬井烟

由黃檗再登獅峯

禮部儒官 周 詔 邑人

紆折攀藤上凌空逼太清鳥隨殘照没人撥亂雲行乍到
逢秋晚重來遇雨晴千峯天外矗一水日邊明瀑瀉疑龍
嘯石蹲訝虎迎崎嶇踰萬仞境不得心平

同人遊紫雲山

周 詔

朝來結伴渡溪遊步入層嵐最上頭一塢雲飛孤寺冷三
邊天淨萬山秋閒情牽我芒屨破野趣邀人竹杖留牧笛

商城縣志

卷之十二 詩

四

數聲林外渺綠波紅葉兩悠悠

商城道中

王 瓊

山城初過雨秋氣正蕭森村暝雲垂野園空葉墮林皇華
行部使白髮故鄉心四境流漣甚蒼生慮更深

題霸臺

進士 彭 滋 邑人

百步城南土一邱英雄會此抗諸侯鴻門客散謀還左玉
帳人空業竟休鶴唳猶疑吹戾策雲屯尚想擁貔貅荒殘
遺跡斜陽外只有寒鴉叫暮秋

紀適劉氏姊苦節

贈迪功 周汝夷 邑人

姊心清白如滄水滄水無情姊夫死姊身不卽沉滄流翁
姑耄耋夫無子立嗣藉以慰高堂課子能令遊膠庠可憐
嗣子復夭折童孫呱呱繞膝旁和丸畫荻卜德隣更撫藐
諸孤成人松節冰操蓮心苦兩世鞠育六十春至老五夜
機軋軋淚滴杼柚漬痕新

黃豫悟廬墓

周汝奭

孤墳三尺冷荒原孝子依親漆室存心折慈烏惟有恨感
深寸草總無言音容難返悲風木笑語如聞哭夢魂霜露
年年哀淚竭此衷千古慕椿萱

商城縣志

卷之十二 詩

五

魚樂園二首

進士 王 俊 邑人

季子高風在爲園似綠天何妨近塵市聊以當深谿引盼
惟雲樹相隨祇簡編遙知風雨夜有客在前川
桃李羞春艷幽情但種蕉藉青時作簞飲綠每充瓢拭淚
看先鼎留人解佩綃深懷方用世大隱不須招

東岡夕照

歲貢 周鳴臯 邑人

霽色初收日漸沉斜陽影射映東林燕衝霞落身披錦鴉
閃暉殘背負金一派溪明波蕩漾千山雲暗氣蕭森憑高
觸目昏烟起城郭聲聲響暮砧

三教古洞

周鳴臯

一滴清流出洞門孤筠撥霧覓山源
烏啼古樹花迷巖鶴立蒼苔石作垣
丹鼎風來飄藥氣仙邱雨過洗雲根
盤桓漸覺寒侵骨萬壑煙生日未昏

鞍山雨信

周鳴臯

石燕高飛雲萬重雲根似與老龍通
須臾定許傾蛟室早夜應知滴馬驄
喜到作亭來韻客忙將問笠走春農
遙看不為晴嵐卜好擬巫山第幾峰

獨峰留雪

周鳴臯

商城縣志

卷之十一 詩

六

絕巘憑虛皜影彰獨餘積素襯曦光
羣峰已露蒼苔色孤嶂常存碧玉妝
瓊屑堆松猶偃翠冰花覆石未生香
偶瞻偏覺寒梅發十月先從嶺上芳

梁堰潤雨

周鳴臯

古堰通流接巨淵由來過水灌蛙田
晴空色映看平浪雨潤光沉却帶烟
日落灘頭栖宿鷺月明堤口度啼鶻
遊人不解蛟蜃室妄擬相呼作異川

黃豫恬孝子廬墓詩

諱榮

中丞

楊惟鈞

邑人

鵲啼塚上夜孤影月徘徊落木淒三易
愁腸斷九迴淚飛

黃雨濕目送白雲哀今古猶難盡憂懷常似猜

贈黃豫恬先生廬墓詩

中丞 楊所修 邑人

草廬秋到壓霜痕語笑追尋夢裡吞雲白戶封迷遠近楓
丹淚落失朝昏魂依尺土忘生事心戀喬松憶舊恩深夜
麻衣如鐵冷聲哀和月逗荒村

過紫芝山劉元子故居

彭 滋

重過楊雲宅山桃老着花其如高士去佇立夕陽斜竹已
荒三徑書應散五車洞天非寂寞何計駐年華

東岡夕照

黃文明 邑人

商城縣志

卷之十一 詩

七

萬井烟含遠望中東岡林木擬楓紅簾踈映水碧天捲閣
起穿雲紫燕獅草色霞飛光燦燭花光日照影玲瓏城頭
搖落殘暉盡幾處鐘聲暗度風

商原春草

黃 畿 邑人

踏春邇迤出西灣青史白雲却共閒芳草王孫何處是獨
留孤塚在商川

紀黃豫恬廬墓

馬三才

杏闌荒山遠三年孤塚前風聲聞唳鶴木葉響啼鴉目送
白雲斷淚含紅雨漣史人常有意獨此若青編

前題

葉興相

寂寞草廬夜深山餘一身風悲惟有日木落那知春燈影
淒星月莪聲泣鬼神名垂青史在不染百年塵

前題

卜陳善

孤塚人烟少寒燈獨伴眠白雲盈望眼黃葉斷荒川木落
鵲啼夜風淒鶴唳天蒿莪何忍讀揮淚倏三年

前題

李之根

常思不見處日對白雲深幾變星霜眼難移風木心烏啼
淒野哭燈影落孤吟寂寞空山外麻衣冷欲侵

商城縣志

卷之十二 詩

八

前題

黃際明

獨望深山落木多三秋日斷白雲過風聲不與愁思靜夜
夜調刁閒讀莪

贈孝儒隱居得令子

李文彩

空山會見白雲橫荒草淒淒野鵲鳴思盡天長風木老涕
殘夜永鬼神驚孝名未許功名薄才子偏爲孝子生千古
忠臣門內出百年史冊著芳聲

金剛古寨

國朝刑部 熊奮渭 邑人
侍郎

嶽巖歷亂聳崑阿壁壘空傳舊日多苔蔓飄殘餘瓦礫烽

巒羅列隱干戈風號古木山疑嘯月照平岡石不磨須識
藩籬盤固遠孤城遙指護彌陀

贈何母張節婦

母商城人

黃岱

梧桐疎雨滴更殘機杼虛窓泣曉寒華表不歸天外鶴玉
臺空捲鏡中鸞扶持風俗倫攸叙終始閨門義所安好種
貞松間修竹歲寒冰雪淡相看

龍井

汪士謚

萬丈龍井水年年吼龍子不見龍飛騰時聞作風雨

周元福

陳浦

商城縣志

卷之三

詩

九

元福商城王御史家僕也崇禎末季流寇屠戮邑中豪家子女時御史已歿一子一媳俱罵賊死福以己子易御史乳孫同妻負奔荆楚得免後歸田產盡失夫婦力作撫孤兒列青衿成家室二十餘年如一日而福僅一子死於賊竟至無後王氏德之請於官祀福夫婦於家祠邑令金陵黎東昂爲作傳事詳載邑志宣州梅君陸舫爲作詩囑余同賦

秋風吹我過新鄴邂逅梅君話風雅手探案上一篇詩讀
之愴然淚橫灑由來節義感人深節義由人不擇人斯人
斯事君知否嬰杵會教共一身嬰杵者誰周元福流落役
充王氏僕王公御史字恬夫世爲商邑衣冠族崇禎末季
動烟烽梁園兵火徹宵紅黃河兩岸無雞犬賊之巨魁張

獻忠到處殺人屍盈野屍作馬槽血飲馬商邑堅持子弟

兵城中豪家子弟出金募人拒賊斗大山城攻不下却乘賊隙更用奇擒

其愛妾礫妾屍賊衆狂呼併死力夜半孤城遂不支乘間得獻

賊愛妾礫之賊怒併力環攻城遂陷挾仇戮盡豪家子御史長君罵賊死閨

人亦是女中豪三寸鸞刀頸血紫一綫惟留七歲孤倉皇

之際託義奴義奴夫婦負之走更有親生哺乳雛前途遇

賊行賊令向奴索兒釁白刃義奴抵死護孤兒刀傷左臂

力已罄情急智生大義存詎指乳雛御史孫賊殺乳雛血

刃去吞聲朝夜向南奔南奔歷盡流離苦賣餅資生寄荆

商城縣志

卷之十一

詩

十

楚亂世誰憐避亂人草間相泣淚如雨叢生荆棘舊門墻

狼狽歸來益斷腸頽梁那復春棲燕廢甃偏多夜叫螢忍

就荒涼葺蓬草無主田園多散失百計經營二十年撫孤

讀書成家室老奴力憊卸重肩老奴含笑入重泉可憐義

士竟無後山根雙塚冷荒烟僕報主人義盡矣主人報僕

恩茲始大令黎公爲作銘祔配家祠享禮祀嗚呼義士之

義世無多義士之名自不磨當時竟有難言事聞風不愧

奈伊何謂黃靖南標下人與元福同鄉

橫溪山酒家

陳浦

山村酒熟勸停驂籬菊溪楓向晚酣野市蠻童春白稻晴
秋小婦染紅藍牛歸架木通樵徑犬吠流泉抱佛龕薄醉
便隨行客任却疑風景在江南

商城道中寒食日作

陳浦

客路不知寒食節荒年多識野蔬名孤村飯罷驅驢去日
落山山杜宇聲

過金剛臺

光州牧 吳一嵩

山城東郭外絕嶺楚江分峭壁高屏日危峯直拂雲金光
輝碧落臺影淨塵氛前路仙家近雞聲烟際聞

商城縣志

卷之十二 詩

十一

遊黃檗山

邑令 高兆煌

巖阿麗朝陽振策尋幽戀谷鳥鳴春陰林木發葱蒨捫蘿
心屢忤陟磴日欲眩絕頂凌蒼窮懸崖瀉飛練煙銷見楚
關日落遶淮甸氣候隱迴錯寒暄日更變禪悅非所詣世
路行且倦永茲從赤松一睹靈山面

商城南山中

邑令 陳開明

居人初啟戶僕御已搖鞭霧隱山頭若雷鳴澗底泉藤蘿
紛冪冪藥草亂芊芊寺古無僧在巖高有逕懸野花低欲
墜溪樹老多眠谷鳥巢臨水樵夫笠戴烟峯當人面立地

蹴馬蹄偏回首經遊處蒼蒼萬嶺連

金剛古寨

恩貢 李御業 邑人

曉望最高峰一登蒼霧滿鬱鬱萬古心長共山靈伴

前題

邑尉 傅本嬰 金華人

轟轟崇山景自生層巒疊翠擁商城千峰戴雪旌旂列萬壑驚雷鼓角鳴古寨昔年人不見金剛此日尙留名欲知陽谷回春意只在樵歌遠遞聲

東岡夕照

黃 卷 邑人

雨過東臯落日晴殘霞西映數峰生斜暉在樹棲鴉鬧夕

商城縣志

卷之十二 詩

十二

照當樓弄笛清孤鶩雲心書作畫長江天色錦爲城煙光滿市歸來晚水上芙蓉月影橫

前題

舉人 熊 輿 邑人

野濶平巒望裏收城頭斜日下林邱樹飛倒影依山落溪繞含煙入水流曲巷酒香沾欲盡夕田雉少獵初休輕風漸到樓臺晚簾捲煙霞暮靄浮

前題

傅本嬰

城西一帶夕陽斜照入岡陵三兩家高閣朦朧收暮色疎林掩映鎖秋霞天邊嘹唳過歸雁野外翱翔噪暮鴉漫上

嶺東回首望餘暉射日弄光華

文峰疊翠

邑令 衡戴天 蓋州人

晴巒孤聳插天邊雁陣斜橫影未還崖擬硯光常隱霧峰
參筆穎欲含煙花飛層疊開生面苔砌嫋嫋簇錦篇遙對
官墻凝翠色人文蔚起映山川

前題

教諭 陳六典 安陽人

文筆挿天起秀色映官墻我來苦寂寂朝夕遙相望大塊
非無意假我以文章勗哉門下士勵茲錦繡腸

西津晚渡

邑令 高材 寶雞人

商城縣志

卷之十二

詩

十二

楊柳洲頭起暮煙溪邊爭涉正紛然翻開靜影歸樵急踏
破平沙獵馬還日落林幽山暗暗風生波漾水涓涓須知
霞捲沙鷗宿罷釣環城月滿川

前題

王鉉 邑人

水遶荒湄映夕光石梁今古渡人忙嚴城鼓角催人急霞
底流波映短墻

前題

吳雯 邑人

晴川環繞晚風涼點亂波紋小艇忙漁帶霞飛鳴欸乃樵
擔雲影唱悠揚斜暉兩岸爭歸馬殘照千峰掛遠楊忽見

疎林新月上溪邊烟樹自蒼蒼

商原春草

高材

芳草含春起暮煙
樵人愁對壠頭眠
斷碑影落空嶰蚪
細雨滋深遍陌阡
雲掩玉魚疑此日
風傳石隧事何年
山圍水繞商原寂
麥飯家家掃墓田

前題

傅本熨

草色青青春氣盈
郊原遍綠浸山城
牛羊抵觸殘碑缺
狐兔穿翻古墓平
風雨有時疑鬼泣
烟花落日令人驚
王孫風物今何在
對此荒坵感慨生

商城縣志

卷之十一 詩

十四

前題

拔貢 王 調 邑人
副榜

山原何代墓芳草
憶王孫新綠生
碑色紛青漫壁痕
古封西望盡下邑
此圖存父老咸彫
謝春遊誰與論

龍潭卧月

廖四通 邑人

秋水孤澄夜氣多
冰盤搖影繞龍窩
照開鱗甲伏幽澗
驚散星河墜碧波
野樹倩光依絕岸
遠峰連水映高柯
漁人莫漫輕垂釣
獨許清流漾素娥

湯池温泉

王 佑 邑人

鬱浮池面擬蒸烟
亂石穿流別一天
氣繞火雲疑赤壁
風

來煖玉起藍田探湯灌頂休嫌熱汲水烹茶不費煎自是
天南多燠若故教沸沸湧山泉

三教古洞

衡戴天

山頭泉出洞飛花三教源逢作一家遠岫煙開千澗月孤
松影挂半天霞歸雲香藹遮門斷過雨風旛隔嶺斜無限
蒼茫留不住幽光帶客幾廻車

同人遊三教洞

邑令

許全學 石門人

結伴尋幽偶趁閒無端風雨戰空山林花遠向峰前落石
室高從雲外攀樹厭人行當曲徑僧緣客至啓禪關青精

商城縣志

卷之十一

詩

十五

肥蕨饒清供歸去奚囊未可刪

遊三教洞步韻

邑丞

龔戴銓 潛江人

洞門深鎖野雲閒疊翠層巒綠滿山烟封怪石猶堪躋薜
掛懸巖莫可攀宗風默透乾坤理法眼明通物我闢敬謁

文宣歸不俗

署內有
不俗亭

南華讀罷欲多刪

前題

許觀民

石門人

山目穹窿人自閒慚無好句對溪山空林風雨俱長嘯絕
壁藤蘿且共攀乍擬白毫開寶相旋瞻紫氣入函關吾儒
二氏同家學莫與楊朱一例刪

何年乞得此身閒百萬邀君共買山竹屋松棚隨卜築
白雲蒼狗省躋攀春風煖處開荒徑午夢長時學閉關莫問
瞿曇同魯叟五千文字一齊刪

前題

胡直方

石門人

作客方偷半日閒爲探古洞入名山壑疑龍窟層層秘徑
似羊腸曲曲攀六月重陰雲作戶三冬積雪玉爲關不須
三教隨人號一字應從魯筆刪

前題

胡士枋

石門人

鈴閣時喧客自閒不妨蠟屐訪名山鳥能解意迎人語花

商城縣志

卷之十二

詩

六

本多情任客攀石罅巔岈成寶刹烟巒縹緲隱仙關舞雩
歸詠春風裏付與圖經聽補刪

前題

許用光

石門人

造化由來亦欠閒滿空黃葉鬧秋山馬頭曲折花相引鳥
道崎嶇日可攀雲裡踏開生死路泉聲滴破利名關危樓
倚檻寒侵骨付與騷人仔細刪

前題

許自期

石門人

烟霞舒卷洞門閒三教歸宗世學山遠岫鯨音天半落孤
峰松影望中攀倒懸珠液蛟龍窟鎖斷紅塵虎豹關吾道

自來垂宇宙翟朱魯叟豈同刪

三教古洞

傅本嬰

峭壁嶙峋傲十洲碧梧飛影上高樓鹿來翠岫風生彩鶴
到蒼松月傍幽甘露涓涓流石穴白雲飄飄過山頭途中
問禮西方聖三教源歸一洞收

鞍山雨信

高爲章 邑人

遙望峰頭雲漸深迷林未雨氣蕭森彼蒼欲報爲霖信豫
遣飛騎駐遠岑

前題

何士宏 邑人

商城縣志

卷之十二

詩

七

萬壑濃雲水欲飛亂山落木盡霏微巖前龍氣橫千丈并
入風雷一夜歸

車轂曉鐘

銜戴天

松峰寺隱碧雲過會度鐘聲出薜蘿漏盡鴉啼留夜月夢
殘人起識星河光飛塔影搖金鏡韻帶香煙襍玉珂響徹
山城開萬井鄰鷄却報五更多

前題

高材

滿竿纔擊出山窠驅盡暝煙曙已俄十里鳴鷄喧旅舍一
天殘月卧長河遠邀旭日餘鏗少近徹晴嵐雜梵多莫道

林巒開寂寞遙遙城市起笙歌

前題

歲貢 黃 卷 邑人

林深夜色起將闌常把輕鐘送曉寒響應千山催鳥去驚
開萬戶動人看樓頭鼓角聲初罷天上星河影未殘擬近
帝城纔待漏前旌露濕早朝冠

前題

王 調

古寺荒臺址獨傳舊日鐘塔光存曙影鷄響亂山峰僧共
六朝去聲思五夜逢溪潭春雨泛疑更鬪蛟龍

前題

黃 廣 邑人

商城縣志

卷之十一 詩

六

古寺何年在荒臺塔影徊燈光殘月下曙色落星催漏鼓
五更盡曉鐘萬戶開林深僧欲起風送幾聲來

前題

周 度 邑人

深山何處吼金聲破霧穿雲徹曉城喚起舟人呼早渡驚
醒田父促春耕餘音渺渺催鴉陣斷韻悠悠送雁程敲罷
疎林開霽色殘星散落曙風清

前題

歲貢 周建侯 邑人

起識星河欲曙天音傳空谷更悠然檻前驚墜橫谿月林
底敲開石額烟古道嶙嶙方叱馭長亭踏踏著先鞭隨風

十里聊堪賞恨不姑蘇向客船

前題

贊畫遊擊

周

履

邑人

曉寺鐘鳴出翠螺一聲雲外遣詩魔不嫌白雁呼霜急可
是瞿曇得句多響到孤舟客夢斷音隨殘月淡烟拖紛紜
塵市誰聽得輪與山僧老薜蘿

獨峯留雪

鮑猶龍

邑人

懶露青蒼色猶然挺素冠不因風骨勁誰信耐孤寒

龍泉瀑珠

歲貢楊

莛

邑人

界地鋪山一派摧噴泉歷落訝奔雷星飛北斗明珠閃磧

商城縣志

卷之十二

詩

十九

斷黃河匹練開驟雨傾盆沉碧沼長風立海墮青崑溪流
漸次平如掌也逐松濤和雪來

頌楊侯德政

贈司馬

周

鷗

邑人

金臺屹立高接天谿訝峭削羣峰巔邑治拱對列宿懸真
人上應蒸龍泉歷來長吏相節宣草木蒼鬱生寒烟惟有
紫氣照遠阡關西靈毓關東賢我公佩組奠固川恩斯勤
矣名不專更念鄴黎苦顛連特承憲命與周旋停旌數月
未久延兩邑二天澤沛全前召後杜豈偶然清白家聲賴
傳綿公轡還固郵人率安得如公繼着鞭士民爲勒去愚

篇商山日月永萬年

東葛山

周 鷗

常以山爲畫峯高日影微鳥閒隨樹葉雲懶借村依戴石
崖加帽牽苔水曳衣禪關惟自扣見道是全非

船石橫洲

舉人 鮑知管 邑人

無楫無帆橫水濱浮來幾度問迷津雪殘春到苔生畫木
落秋深葉作鄰明月入船歸未滿清風舉棹去難輕岸頭
山色收無盡空載年華不載人

前題

熊 輿 邑人

商城縣志

卷之十二 詩

二十

山溪盤石却爲舟泊向烟瀾幾度秋風起不隨波泛泛雲
閒空伴水悠悠春帆渡口花千樹夜火灘頭月一鈎疑是
武陵漁父在捨船源畔覓仙邱

遊三教洞晚歸

贈惠州 同知 周逾錢 邑人

三教從遊遍上方暮山烟起淡殘陽揮鞭新月催歸騎螢
火飛飛點客裳

樵影石門

黃 卷

石峽擬門掛薜蘿砍開野蔓入山阿雲根收出歌聲近莫
教殘棋斧爛柯

前題

熊輿

壁鎖千峰任雲來掩石關挑薪連月重對影送歌閒纔想
會來徑相看已過山如歸蓬戶禪燈火隔溪灣

釣臺夜漁

舉人 乾州牧 楊名世 邑人

峰折嵐停翠一灣滄浪聲起有無間釣分嚴瀨臺常冷跡
想磻溪事已刪荻岸雁鳴知罩落沙溪鷗起報人還垂綸
靜聽空山韻相訂幽盟雲水關

鼓石含烟

黃卷

山頭磊石出日與白雲橫鼓壯驚三峽星搖動五更泉飛

商城縣志

卷之十二 詩

三

澗葉響風送雨花聲爲擬蟠龍起春雷却共鳴

梁堰澗雨

熊輿

崖溜梁成堰歆流亂石橫燠寒如著意五地若同情泉滴
先期雨雲收已報晴不勞間較量須聽有無聲

雨中望金剛臺

胡延年 光州人

金剛臺上白雲重人卧雲山第幾峰霧隱萬家飛燕雀嵐
迷千嶂削芙蓉諸天半墮空中色亂瀑齊鳴寺外鐘咫尺
無能攀絕磴聊憑雙眼憶秦封

雪霽望金剛臺

縣丞 馬元翰 鄂縣人

金剛臺上雪初晴極目烟巒萬壑清一帶銀山開錦繡千
層玉樹列旗旌龍潭月上連天白牛嶺冰消入座明每欲
登臨尋古蹟嵐光已向望中迎

楊洛賜先生殉節詩

諱所修

進士

沈一澄

邑人

獨全大義最爲奇殉難誰能永不移氣撼風霜肝膽壯志
貞山嶽姓名垂孤城盡染忠魂血古道驚傳大節碑青史
猶難輕著筆惟茲生韻載毫揮

憶從事楊先生菽水園有今昔之異觸曹石霞韻和
之以誌感

沈一澄

商城縣志

卷之十二

詩

三二

夾岸芙蓉隱短牆不堪回顧舊時堂昔年負笈生徒聚此
日營巢鳥鼠忙出匣光芒思劍氣承家和靄發書香由來
清白留聲古得受文函應未惶

贈黃豫恬先生廬墓詩

方伯

周汝璣

邑人

永言漆室築哀居子舍淒涼滿架書班綵久懸情最苦白
楊新種淚難除秋雲咫尺朝昏泣丁鶴還歸華表噓不匱
由來悉景仰求忠必爾蒲輪與

述先孝子廬墓詩

父諱榮

黃卷

冷月孤燈落寒鴉古木歸山中何所見片片白雲飛

其二

葉落如黃雨草青日幾何星霜已數易鶴唳但風過

贈李母截髮教子

子御業字遠紅

進士 洪應嵩

邑人

賢哉白髮母截髮教狂兒金剪一聲斷斷腸祇自知

題署中園亭

邑令

談永祚

遼東人

催科政拙得閒居士瘠山荒退食餘高柳低垂鳴翠鳥長
松偃蹇覆金魚風搖亭畔千竿竹月映窓前一架書二載
韶光如過隙却羞微祿任狂踈

秋興

談永祚

商城縣志

卷之十二

詩

三

日來晝寢夢西山景物悠悠落照間體倦最宜引書睡病
多惟與藥相關良辰對酒猶豪興微祿羈身祇汗顏不用
悲秋同宋玉愁來易使髮先斑

其二

亭園瀟灑更逶迤高閣連雲影滿陂桂樹已菲零露蔓菊
花又長傲霜枝名山秀水情相愜冷栢寒松性不移回首

帝鄉時極目彤雲瑞靄故垂垂

四知亭

前令談景山建

許全學

蕭瑟官衙數畝園茅亭六角酒盈樽筍穿石竅斜侵路藤

覆花屏半掩門夜靜山空聞嘯鶴秋高露冷聽啼猿新詩
蒲竹刊名姓清白同君付子孫

憂旱

許全學

烈焰燒空日更長祝融偏自助驕陽愁心欲並田禾悴蒿
目驚看野草黃向古有人歌蜥蜴而今空憶舞商羊嗷嗷
四境皆翹首霖澍何時霑此方

遊金剛臺

邑令

張

訓

延慶
州人

曲徑灣環怪石層長松蘿薜掛踈藤枝頭野鳥如迎客嶺
上蒼猿若喚僧流水遶居廻佛案飛烟突室掩禪燈坐來

商城縣志

卷之十二

詩

二十四

未穩寒生袂聞道三春始泮冰

東岡晴眺

邑令

袁舜蔭

翼城
人

新晴景物更清嘉山脊炊烟百丈霞重雨杏花全慘淡輕
風楊柳半欹斜誰家巧語紅襟燕別巷驕嘶白鼻駒搔首
荒城頻悵望桃源何處覓漁槎

賀沈介菴七月陞刑曹值

親政赦典

楊維禎

邑人

聞君七月轉西曹大火應流雨露高禮樂昔年歸伯益刑
章一日服臯陶天回貫索開雲日地滿春臺啟俊髦況值

聖人親解網功成襄贊豈微勞

秋宿洪石崖僧舍

教諭

耿帝德

太原人

層巒隱隱接蒼穹僧舍微茫有路通
谷口黃花如肅客嶺頭紅葉欲燒空
殘經讀罷憐秋月破衲寒生怯晚風
濃霧忽來天地合晦明不與下方同

過冠石山飲洪與鹿家

諱紹匡

李御業

邑人

冠山冠絕羣山首山下周遭竹千畝
我來恰值細雨天散髮狂呼洪厓酒
夜闌酒罷燈花紅長歌拍案蛟龍吼
歲月坐消髀肉生嗟我乙卯君乙丑
葉公原不好真龍男兒羞

商城縣志

卷之十二

詩

三

學西隣婦

丁未冬夜夢割肉食母

四首之一

李御業

幾年靈馭餓桑邱夢裡招魂哭
母劉何處擔囊還負米那堪毛髮更
椎牛佩刀空染血腥縷瓦墓誰將土
塊抔痛定痴嗔忘幻相依稀弟妹補
瘡疣

敬一亭告竣

周仲符贈絳桃賦此謝之

教諭

劉元吉

商邱人

敬一亭成剪野蒿課童終日不知勞
閒官欲種金城柳上客初分玉洞桃
絳錦夜嬌春月淺紅霞朝媚曉風高
他時莫負劉郎意花下頻來作酒豪

遊田道人庵歸途值雨

劉元吉

鳥道逶迤支短筇人穿木杪下高峰半腰雲起迷千仞一
片雨飛溜百重怪石壑邊驚虎豹枯松澗底卧蛟龍濕花
霑草輪蹄緩回首翠微已暮鐘

遊小祇園

周 召 邑人

不因醉酒喜逃禪豈爲談經侍講筵大士現身通隱吏良
朋無事卽人天新篁夾路裝樓閣野鳥傳聲奏管絃果是
山陰超法界蒲團坐破一溪烟

庚午冬同詣于修志東廡閱彭節婦傳有感

商城縣志

卷之十二 詩

二十六

歲貢 王 畧 邑人

鬢序聽雞鳴淒其殘夢驚三春洵作楚一死豈爲名墓宿
深山夜悲號婺婦聲人因節不朽榻管勒幽貞

秋豐 壬子

歲貢 周建宗 邑人

禾黍盈邱隴平鋪粲野田粟歌黃玉碎豆迸綠珠圓烏鮮
饑腸癖人多鼓腹癩農猶噴穀賤無可辦公錢

遊岳姑頂次韻

舉人綏 熊奕人 邑人
寧縣令

桃殘猶自帶餘醒細草茸茸古渡平村落爨烟連鳥霧田
疇農唱雜潮聲髯松盤曲異常態瘦石青蒼難強名緩步

搥衣尋仄徑殷勤啼鳥恁關情

辛酉觀風上項道憲

黃 度 邑人

十年閉戶祇顰眉買駿千金幸有師聲價不甘阿俗好藥
籠今始貴新知拘人姓字翻棄白薄命鉛華也陸離此後
應無汧澣恨相將國士以爲期

築百水堰堤

黃 度

吾鄉麗山陬河渠皆淺小雨暘稍愆期輒見苗禾稿塘堰
數潰崩關係此非渺及時亟繕修一勞永不擾伊子頗明
農所憂在百畝烝徒競勸功聿覩坊庸考誠足惠鄉閭從
商城縣志

卷之十二

詩

三

費何足寶

文昌閣課業

黃 度

三殿雲霞裏五更燈火前花飛夢筆動彩繞夜光懸

春草歌

黃 度

慈親育子意如何喻彼春生草婆娑一川含綠草方長滿
地落紅春已過草欲留春不能任子欲養親悲風樹吁嗟
哉陽春有脚還復來今年花謝明年開慈親一去不復見
郊原野草淚如霰寄言孝子當愛惜流光難再親顏失春
盤井脆須及早莫待酒澆墳上草

照鏡岩

黃峒 邑人

誰會一對照鏡尙石邊懸古木依山冷孤雲帶月還花香
留此引人影去何年兩岸泉飛急煙波擬泛仙

贈仁趾王額駙

雷升 邑人

皇家尙貴王天上謫仙人彩鳳堪乘晉碧簫何羨秦香飛
青瑣草醉濯紫茸巾蓮幕容談笑客懷應不貧

望金剛臺積雪

板貢 楊人鳳 邑人

偶對高峰聽雷音凍雲凝碧聳千尋晴光已化山邊玉積
素猶埋臺上金春淺自無青滴滴日微獨有白森森捲簾

商城縣志

卷之十二 詩

二十六

便是瓊瑤色榻管不殊驢背吟

題響雪灘 有引

周開生 固始人

城南五里溜沙嘴有巨石出亂流中可盤坐多人
亦勝境也第嫌其名近鄙俚家菽庵欲以湧雪灘
易之予曰此水色瑩瑩聲淙淙湧雪雖佳有色無
聲矣請各以響雪何如予遂首倡以詩屬羣公和

云

最愛城南路秋尋水石間越溪踞齒齒浣手聽潺潺磊珂
截流急噲呖繞峽彎一朝呼響雪岩壑也開顏

前題

附貢 楊人麟 邑人

一川橫片石波磔亂雲間
樵徑分山麓漁梁逗水潺
嶺飄楓葉醉犢放草橋彎
爲語巉岩窟重來識舊顏

照鏡岩土人傳以爲則天皇后真齊東語也或曰一

河中流東牛即西織女遙相望而立於兩岸懸石

上亦想當然耳因過而賦之

歲貢 王以義 邑人

峭壁自天開宛然仙子來
祇因心介石聊藉鏡懸臺
花放桃源盛水流盤谷回
登高頻悵望砥柱興悠哉

孫仙塔 邑南八里即孫樂庵瘞玉處也

黃 嶼 邑人

商城縣志

卷之十二

詩

二十九

青山古寺近會道已飛仙
花送風光異雲開塔影圓
劍收歸海島丹轉入霞天
芳草任搖落猶疑去未還

鳳凰錦屏 城北十五里峙立水口其形如鳳故名

黃 岱 邑人

遠嶂屏如錦飛投雲水間
九苞花燦熲五色樹編爛
露冷梧棲老煙含竹隱閒
揮毫常北望擬對鳳凰班

太子古寺

汪士謚

二水還來曲新篁古寺幽
梵音渡夾岍松影倒雙流
浩劫乾坤造曇光日夜浮
雲連天共遠萬古自悠悠

青山峽 邑東三十里

兩峰霄漢聳滿峽氣蕭森樹色兼
響危石林語喚幽禽歸路風烟冷能無斜日心

城東車水歌聲

歲貢 周召臣 邑人

農灌畦田趁晚風挽流歌發徹城東乍驚愈切憂時早久
聽猶疑樂歲豐秀實如關溪澗邇枯榮若俟水源通憑高
極目無青草人力何曾奪雨功

贈仁趾王額駙歸里入鄉賢并誕辰北上

歲貢 洪龍甲 邑人

絲引天潢省故邱堂開畫錦映嵩秋深緣永享彤庭爵選

商城縣志

卷之十二

詩

三十

秩頻溱海屋籌千載鼎鐘稱國士萬年俎豆列賢儔崢嶸
事業新桑梓贏得芳聲播

帝州

長房葛陂

州同 洪人甲 邑人

化龍人已去此處有仙莊壺裏春常駐溪頭水自芳地傳
丹藥市俗接紫萸囊憑吊登臨古白雲天際翔

喜雨

周榮臣 邑人

甘霖降岩野水勢接天明濃霧千巖氣洶濤萬壑聲農歌
風外送牧笛雨中橫枯稿沾新澤勃然乃發生

袁安故里

周榮臣 邑人

地迥因人重高懷慕邵公春花仍夢裡積雪似山中太守
蹟猶在司徒堂自空多情巢社燕汝水落城東

輓許烈婦熊氏

劉嗣固 浮光人

茫茫大宇宙悠悠幾丈夫鬚眉盡巾幗綱常誰為扶君不
見截耳斷鼻曹家婦誓死不敢愛髮膚君不見嚙指題血
王烈女為存名節特捐軀弱質自具剛腸在歷歷女箴照
典謨我尋芳踪不可見烈婦於今真為徒青春不自惜黃
泉甘與枯氣塞乾坤壯魂斷日月孤吁嗟乎人生孰不死

商城縣志

卷之十二 詩

三十一

大名問有無烈烈轟轟堪不朽濡濡懦懦胡為乎

熊母張夫人節壽

孝廉熊奕久母

邑丞龔戴銓

苦節曾經五十年星霜磨老獨全天丸成百煉丹心結荻
繪千條夜雨湔茹盡藥水堅壺內培開蘭桂秀階前
聖朝母德能如幾雙鳳行看紫誥宣

商城田賦吟

邑令談永祚

商固昔時經險阻幾許遺黎受顛苦兩邑壤連商猶殘土
曠民稀鮮寧處自余蒞任考征輸合邑士民頻號呼為
久遭兵燹後生靈荼毒土荒蕪累年召集消

變前耨虛次復固邑多混占以至商元久...
按舊科較之他邑猶難饜嗟我商人凋且勤疾苦之...
勝聞惟茲賦役關民瘼守土當斯宜救焚

大堂落成

詩八
李御業

琴堂聯斗極棟彩拂雲新人映水壺徹花明錦閣春...
惟鶴伴築圃見麟臻豈獨承天眷還看庶民

譙樓落成

鮑德龍

層樓遙接五雲天氣擁山城壯百川清夜鐘聲驚皓...
霜鼓韻破寒烟會看春雨催農畝坐聽秋風送管絃共

商城縣志

卷之十二 詩

三十二

琴堂歌勝蹟涵流從此澤綿綿

仲夏積雨憂澇

歲貢 王鼎建 邑人

茶灶烟荒半篆蝸草侵菊圃盡生麻留連愁雨魂迷蝶瀟...
漫平池聲闕蛙砌角紅踈香遠近徑心翠滴影交加柴門...
流水悠然靜破壁危橋綠竹笆

熊母張太夫人苦節

李御業

有母西池化龍虎白玉方圭黃金縷千萬斯年註長生區...
區不過神仙譜母氏吏部之子某御史中丞世家婦少時...
手挽浙江潮濯盡繁華灰百斗光明直欲探日景紙帷寂

寂晶簾靜翻經夜半祇然香皤皤獨對青蓮影

天子大帥上書記親製女中聖人字鼓笳鳴騶到草堂夾
道街頭走官吏一編教子古鏊漆屢售雞林各第一縱橫
莫邪與干將嘖嘖老生早止嚶春明廣漢婺星紫織女七
襄報羅綺冰壺雪梳和胡麻把酒長跼門下士願母精神
王而善乾坤雙磨頻漆線延生自古惟艱貞何數纏山符
三卷

義學

明末燬於寇康熙二十八年邑侯許公捐俸重建

楊

度

邑人

絃歌十室已無聞何幸山城得令君江左襟懷同月朗汝

商城縣志

卷之十一

詩

三三

南題品煥秋雯民風丕變冠裳肅士習重墜雨露殷爨

自慚叨覆庇惟偕芹藻誦斯文

度泰訓蒙

大堂落成

自明季流寇後舊治燬於兵火令茲土者僦民居
以治垂五十載邑侯許下車以來諸凡起衰振敝
有造於邑者不可勝紀乃顧此舊治遺址毅然捐
俸脩舉經營不日大堂告成真有靈臺之遺風焉
因賦以志頌

勝國滄桑後巍然見此堂南山拱畫閣

昔欣邇神君今復雙仰瞻深愛敬從此祝無疆

送二尹龔公遷成都令

十年厦庇樂從遊此日榮遷無計留績懋一城今令舉符
分百里古諸侯錦江春色稱花甸渤海家聲紹壯猶無數
扳轅思借寇驪歌唱罷竟何求

義學

歲貢 楊 架 邑人

憶昔盛時文治敷黨庠里塾有師儒近世教衰學術散
民小子一何愚我侯下車重絃誦建學延師捐清俸茅屋
單寒盡知書一城桃李皆親種

商城縣志

卷之十三

詩

三四

大堂落成

王鼎建

紫微星正映樓臺川嶽鍾靈間氣開棟宇擎天稱砥柱文
章司命屬中台琴堂晝靜絃歌起葦屋風和襁負來仰止
門墻新氣象更容環堵葺蒿萊

前題

王 異 邑人

巍巍堂構壯金臺峻宇雕簷映日開鳧集垂陰濡百里翬
飛耀彩重三台烹鮮池藻鱗波起製錦天孫鳳詔來五十
餘年新舊制澤流巖邑勝蓬萊

前題

李應秀 邑人

闢土芟茅復舊臺山城紫氣自今開
蒼飛跂翼冲霄漢棟起崇竝冠鼎台
撫宇已勤雉下立栽培尤切鶴翔來
欽承綸綍堆前席雙栢流陰擬寇萊

前題

李時秀 邑人

政治堂成烈栢臺攸寧攸躋自今開
千尋華彩通南極一道文光接上台
赤子具瞻新色映青山遙送曙光來
從茲化日天中昶正好殷勤辟草萊

新邨卽事

客限屋北鹿獨宿爲韻

許觀光

石門人

山邑家家茅把屋主人舍館山城北
朝來案署虎馱羊暮

商城縣志

卷之十二

詩

三

出游同豕與鹿賴有甘霖慰老農
慚無仁政先英獨焚香終夜問蒼天
底事卽官同列宿

讀商城邑乘賦寄二律

許遷木

安定令

大雅扶輪隻影孤敢令文獻沒榛蕪
披圖不讓各區志載筆欣叨外史徒
薄宦天涯同砥礪青瑣舊學最勤劬
汝南月旦吾家事未吏風塵愧小巫

承

恩北闕共分符幾載塵鞅失故吾
束手勞薪驚偈仄經

哀雁

承之定西

秦關路杳疲

腰裏山司

鶴閣遠空... 勝可為
吏隱地

橫溪春漲

許觀光

壁立千尋怪石尊
癡雲片片鎖山根
苔侵曲磴翻銀浪
霧濕煙鬟皴墨痕
萬派分流源自合
飛泉赴壑勢相吞
可知春雨如酥潤
麥隴青青水抱邨

前題

孫慎
石門人

巨靈擘險聳然尊
獨秀峰頭濕翠根
綠樹千章遮岫影
桃花三月長沙痕
遠椒霧擁空摩盪
斷谷波衝互吐吞
一曲

商城縣志

卷之十二 詩

三六

清流新雨後
參差圖畫點孤村

題楊振庵園林

吳聖任

三徑何人抱膝眠
幽居詩畫綠楊舡
玲瓏琴石高山調
漱灑杯池曲水濺
楊下南州吟白雪
尊開北海動朱絃
層樓最是難忘處
面面奇峰入輞川

前題

葉承高

石笋欹斜出竹林
小亭風物傍城陰
蒼松偃頂垂青蓋
古柏圍屏積翠岑
嬾叟何妨成酒癖
騷壇且自擅書淫
不須舞劍論湖海
覆壁藤蘿匝素心

邑郊外西北隅特起平巒往有小廟用鎮水口自兵燹後不復當時景象矣今欣逢馬侯新建層樓氣勢雄偉較昔倍鬣顏其額曰斗山取泰山北斗之義也凭欄縱眺萬家烟火四野田園無不歷歷日中吾商得侯培植非一而大觀惟此爲最喜賦四律以紀勝概

州同 洪人甲 邑人

慨日劫灰此地蕭淒涼無復砥狂潮草深殘嶺牧驄馬霜冷荒郊獵皂鵝今日與輪成勝所昔年構肯遜冲霄運回幸際神明宰廢舉勲名達 聖朝

商城縣志

卷之十二 詩

七

循良治績甲中州又見新成百尺樓近水遙山環畫帙流雲飛鳥韻詩眸一塵不染如冰潔萬里全收似鏡浮壁立文峯塔對峙遊人到此氣橫秋

氣象巍峩壯大千迴臨霄漢斗星連四時風月入懷裡萬井桑麻擁座前薄暮望燒鋪片錦清晨俯樹鎖重烟空中笑語凌雲客盡道經營戴二天

遣興還須覓大觀斗山佳處足磐桓樓低城郭人家渺簾捲風雲天地寬引手飛星常可摘銜杯落日每忘旋此間仙吏勞籌畫特挽頽波永莫安

趙邑侯於堂之西隅新架小亭栽修篁以映之幽雅

可愛別一洞天口占四絕

附貢
楊人麟 邑人

小亭高架傍堂隈三兩簷管繞砌栽人到此間神氣爽更
從何處覓天臺

大觀深處小乾坤憂玉篩金竹几根亭上可容三五座偷
閒詩酒細評論

曲折行來步步仙盈眸嫩綠擁簷前宜晴宜雨尤宜月兩
袖清風對渭川

公餘獨坐此亭中領略徐來竹裡風借問誰知尋是樂襟

商城縣志

卷之十二 詩

三

期原不與人同

趙邑侯新築小山初帶雪

卽席
命題

歲貢

楊一凱

邑人

循良姓字駕中州經濟弘才誰與儔四野歌聲歡百里一
堂雅趣韻雙眸樹林蒼翠迎窻密山勢嵯峨拱案幽天上
多情施粉黛教人對景泛金甌

我侯信是吏中仙點綴琴堂別洞天石疊秀峯張畫帙竹
搖清韻響詩壇政閒漫試梅羹手簾靜新開玳瑁筵恰恰
六花鋪蒲徑一塵不染似公賢

喜雪

楊一凱

天道不可測陰晴豈有常今冬多亢厲雨雪幾無望忽然
朔風吹窻櫺皆振响仁愛感天心大雪落如掌細亦剪鶯
毛終朝無已時六出花飛地豐年喜兆期喜策灞橋馭喜
掉山陰槩南岸簑笠翁喜釣寒汀上

祝馬明府

增生 楊一爵 邑人

七載帡幪被澤深龔黃事業普天欽冰操潔已懸明月道
範親人藹素琴松翠南山雲彩淨酒傾北海菊香浸日慚
摘藻無班管願數華封仔細吟

大梁懷古

廩生 洪苞 邑人

商城縣志

卷之十二 詩

三十九

落日層城畫角哀中原憑眺半蒿萊天清塔影浮雲出秋
盡河聲捲地來過市誰尋朱亥里登高獨上梁王臺詞人
狹客都銷歇汴水東流逝不回

過容城縣謁楊椒山先生祠

進士 楊克緝 邑人

我送先生詩久服先生胆單車拜遺容正氣立懦懶父子
據中樞十惡疏不虛員外何乃爾遂爲定爰書視死本如
歸報至是其事恨彼貪位人作官等兒戲萬古照丹心凜
凜直哉直殺身似爲愚其愚不可及

重陽前五日過文昌閣

州同 熊啓蕃 邑人

路人招提迴天花散薜蘿雨中黃葉隕窗外白雲多菊蕊
迎風細楓林載酒過登高看九日佳節竟如何

九日登斗山寺

熊啓蕃

層登高樓接上臺夕陽掩映傍山隈鱗雲帶雨流詩片寒
菊迎霜仗酒開共道登高招客至憑誰作賦御風來白雲
紅樹沙村暮城闕秋聲畫鼓催

題邯鄲縣盧生祠壁

拔貢 楊克維 邑人

富貴從來有盡期黃梁炊熟已言遲如何名利紛爭客忘
却盧生夢醒時

商城縣志

卷之十二 詩

四

和邑侯三畏堂述懷韻

庠生 楊克純 邑人

宦途原不辭艱辛廉潔推公第一人政必可傳方見學官
惟有品始能貧佩來浩澤家家樂吟得新詩字字真莫道
囊空無美報且尋花鳥酌清醇

登佛山絕頂

監生 洪 莊 邑人

名山通帝座四望碧天寥引手探紅日發聲振紫霄石磴
雲作幔徑仄樹爲鑣到此凡思淨禪關路匪遙

將赴南溪日暮上虺隤山

附貢 楊克湘 邑人

巉巖徐上氣猶和片片雲從袖底過殘照一鞭山色暗黃

昏止宿老僧窠

贈親翁易壽句

進士黃紳 邑人

負性純良德孔昭行成孝義自垂髫親恩未報心常痛孺
慕中存志不消崇信首修接善事樂施屢固三元橋稔知
迺吉邀天眷壽享期頤應所招

輓節烈熊母黃氏

楊克純

六年恩愛一朝捐獨挽頽波出性天死必有關方可重人
非奇烈不能傳黃泉路上生英氣青草墳頭遶瑞烟自是
名門尊節義褒書豈肯斬閨賢

商城縣志

卷之十二 詩

四十一

春日遊五龍宮步壁間韻

庠生熊啟陶 邑人

迂迴曲逕蘚苔深古木扶疎十里陰嬌鳥啼花爭暖樹人
家結屋傍高岑行來道左園林好望裡龍宮氣象森憶我
昔曾遊此地春風一度一關心

春日載酒遊斗山

歲貢何秉恬 邑人

百尺危樓遶翠烟迴臨霄漢斗星連滿懷風月入詩裡千
古江山擁座前浪捲桃花鳴翠鳥人閒春晝醉瓊筵半空
笑語凌雲客直散霞飛薄暮天

其二

一層山罩一層烟飛閣高撐勢若連氣挽雄城河抱左窻
收曠野塔迎前登臨不少瓊瑤句凭眺時開玳瑁筵坐小
春風人盡樂壯心搔首問青天

九日遊斗山

副貢 楊克綿 邑人

凌空高閣望秋盡水淪漪風葉低堆錦山峯遠立錐聯羣
舒玉趾娛節倒金卮不減南樓日清狂未是痴

輓烈婦張母陳孺人

監生 黃縉 邑人

每將烈女細評論獨是從容詣更尊三尺白藤懸勁節一
塊黃土蓋芳魂丹心不逐烟雲散壯志偏同天地存死挽

商城縣志

卷之十二 詩

四三

頽波香國史清風端可範闔門

登聚星樓

廩生 黃約 邑人

醉殘紅日傍層樓極目山城據上游儘有晴嵐舒眼底了
無塵翳滯心頭杉松翠蔭商原草星月光搖涵水洲千古
茫茫歸瞬息落霞烟雨自沉浮

九日同友人遊斗山

贈刑部主政 黃緒 邑人

已拚蕭齋獨坐閒忽來雅約到秋山樓高四望芬金菊水
曲千迴繞玉關滿座風烟皆畫帙半空笑語擬仙班今朝
盡醉茱萸酒歸步欹斜興未刪

入壽期百年迅駛如過鳥去日恒苦多來日每憾少古人
 惜寸陰如何苦纏擾苟知翻俗情回頭急宜且非謂耽歡
 娛不是甘枯槁乘時建勲名炳烺樹人表坤輿不盡平春
 葩豈常好哲人先知幾冲懷退自保五行本遞嬗剥復靜
 中討四序有推遷躔度俱可考月圓則損虧水盈必傾倒
 默叅天地心靈明得主腦君不見有夏羿稟勢炎炎一旦
 勢去如冰沼又不見晉代金谷鬪繁華瞥眼漸滅同蕪草
 癡念苦營營終歸惹煩惱童冠咏春風偕行無大小真樂

商城縣志

卷之十二 詩

四三

尋孔顏中正涉世寶此意達者知難與庸夫道

飲田家

周作淵

三义分曲徑遙指老農家搖綠村前柳翻黃麥裡花瓦盆
 盛野笋松葉煮山茶向晚覓歸路漁燈動淺沙

八里灘

周作淵

桃花霧裡隱村廬欲賞春郊策蹇驢恰值新流初漲後山
 童結隊賣蝦魚

南溪道中

臺灣縣 周作淵 邑人

巖嶽東南路沙飛水亦飛山荒人跡少樹冷鳥聲稀野色

迎雲窟炊烟上客衣殘鞭驅老馬努力趨斜暉

山惟鳥道曲徑走羊腸衰草連天遠翔風入夜涼荒村

前去路宿霧晚來霜寄息田家裡酣歌樂未央

贈馮烈女謝烈婦

署東安縣令周作鴻邑人

丁巳余移疾歸過馮氏里居聞字張氏馮烈女事雖古忠臣義士無以加焉同時謝婦王氏亦以身殉夫嗚乎何兩人所值不同而心如一歎抑亦乾坤正氣特鍾巾幗歟爰為七古以紀其實

金臺佳氣鬱嶙峋涵水紆折清且淪靈秀恒向此申出鬚
眉之外多奇人馮氏烈女烈何苦未字夫殂影隨身強作
歡顏慰慈母腸日九迴暗愴神不忍常服見夫子麻衣如

商城縣志

卷之十二 詩

四四

雪無點塵投纆保璞志決絕磨笄劓鼻嫌逡巡萬禩清名
光汗簡一條白練繫人倫鴛鴦之塚雖未築黃鵠可化應
相親同時歸謝王氏女夫死矢節標堅貞刀刺心頭血滴
瀝莖甘魚腹逐波臣恨不速死復自縊夜臺有路志長袖
吁嗟乎事雖不同心無異閨閣足以振斯民生前未作紅
窻伴死後當為松柏隣雪皎霜寒顯其真

筆架山

周作鴻

三峯疊翠半天橫無筆偏將筆架名一自化工抽管去山
花入夢為誰生

暮雨初晴樓上晚景

庠生 熊啟毫 邑人

雲歸岩穴擁千山雨滴堦聲猶自濕柳絲迎風飄翠帶
紅含露濕朱顏渴虹倒入烟波紫晚日斜窺秀嶺班
漫倚樓頭瞻暮景餘霞掩映鳥飛還

將進酒四首

倉梧縣 楊嘉年 邑人

君不見富貴不來年少去美人晚晚傷遲暮西飛白日東
逝波斷送朱顏等朝露問君懷抱何時開惟有當筵羯鼓
催皎月流空好花放幕天席地傾金罍鯨吞牛飲不足數
酒船帆上糟邱臺手搏黃土補天漏倒喝日月從西回急

商城縣志

卷之十二 詩

四十五

管繁絃相間發飛觴進爵不知歇淋漓襟袖酒痕香便把
金丹變華髮降魔借爾作戈矛一滴能消萬古愁李廣數
奇君莫嘆劉伶已拜醉鄉侯

其二

美人發聲清繞梁鳴箏挾瑟圍高堂青春欲暮白日晚醴
醪卻滿千壺觴爲君高歌還起舞夸蹈彭殤一杯土生前
有酒且盡歡身後浮名竟何補名花含笑嬌鳥啼青山澹
黛迷蘭膏燼暗四筵酌壺天不夜聞晨雞晨寒雞暮
夜漫漫尊灑灑狂泉釀酒醉更狂麩部陳兵酒旂颯

其三

神丹難成日難繫醇醪差可圖酣醉胸中傀儡刻不平良
醞稍可消崢嶸一石五斗寧有限醉卽狂言舒白眼莫嗤
醉眼太模糊白璧由來半砒砒床頭金盡瓶空濾我醉欲
眠卿且去明朝檢篋典春衣爲惜風花一片飛

其四

人生百年常苦促斗酒論心歡不足春江似酒酒如淮一
色平浮鴨頭綠醉鄉埋首失朝昏兼勝溫柔與白雲日飲
亡何行樂耳何須漫惜信陵君戲作歌詞老風格擊節淵

商城縣志

卷之十二 詩

四六

淵出金石願身化土復爲壺驅使長供詩酒客

重九後一日南無寺卽事

歲貢 楊文驊 邑人

出郭尋山寺聞鐘到上方地幽人跡少廟古佛頭蒼遠岫
迴殘照寒鴉噪早霜老僧情話久回首白雲忙

謁固陵閭太史墓

舉人 楊文驊 邑人

爲欽淑範謁荒墳冷冷松楸覆白雲日影花磚會記晷

爲翰 量才玉尺昔名勲 公昔典試滇 墓頭常有牛羊跡 碣

畔時來樵牧羣零落清門何足恨先生不朽有鴻文

盤山卽事

在直隸 薊州

延慶州 楊 鯤 邑人

立馬盤山下山光雨後濃雲開何處寺月落一聲鐘柳外
馳千騎花間駐 六龍 宸遊數至此原爲省春農

勅寺連雲峻溪流繞石灣 御書丹藻麗古字綠苔斑飛
鳥迎仙仗山僧識 聖顏不忘勤政美花下列朝班

松老似龍屈石堆如虎蹲千官松下立萬馬石邊奔忽聽
傳優詔羣欣仰 至尊天風吹碧落 宮漏靜黃昏

曉日 鑾輿出烟霄豹尾陳雲山三回合草木一時春馳
馬傳中使攀 龍列近臣道旁展拜者幾度望 清塵

嵐光變朝暮山勢列西東僧住綠雲外人行紅杏中蒼岩

商城縣志

卷之十二 詩

四七

積殘雪白日起陰風乘興尋幽去悠然萬慮空

出居庸關

楊 鯤

鎖鑰崖關跡舊存居庸西望暗銷魂邊墉扼塞開宣府山
勢連雲走雁門馬臥冰沙毛骨冷人居毡帳酪漿温秬今
中外爲家日萬里雕題盡感恩

過懷來縣

楊 鯤

咫尺花封景物繁田連繡陌樹連村依山城堞青浮郭近
水人家綠到門遠寺斜陽秋雁影斷橋野渡晚烟痕桑麻

犬多醇樸喜見編民在道子

天將雨

許自期

雲潮霧湧漸模糊遠岫平林半有無撲面塵沙爭刺眼鳥

龍潭畔叶呱呱

金剛臺烏龍潭內產呱呱魚形甚怪或云龍種將雨則鳴

吟金銀花

許自正

幽香拂拂露珠濃一徑疎藤積翠叢欲與花王爭座位如
何失却狀元紅

兩兩鴛鴦掛鳳釵蜂鬚蝶翅功安排官衙冷落驚春老好
比名花氣象佳

商城縣志

卷之十二

詩

哭

山白嶽訪飛仙

華堂富貴夏蟲冰架底茶烹陽羨春堪笑丹砂空九轉眼
前終日對金銀

溫泉道中

孫慎

晝眉聲裡嶺西東聞道華清動暖風高下水田飛練白紵
迴春岸映山紅綠雲翠幔千層暗頰石蒼嵬一徑通我欲
放歌隨鶴嘯三年塵俗可排空

金臺古寨

許全學

萬峰羅拜蹋天橫故壘消殘麋鹿生眼底霞明訝過客

巔木老展奇兵蕭蕭竹影歌龍劍謾謾松風落鳳笙設吟
何須誇半壁壯夫意氣自干城

玉泉湯池

造化洪爐散紫煙辟寒暖玉掌飛仙故留力士開山手洗
出媧皇煮石泉火井雲蒸南國夢蘭田日麗百花妍與民
共浣從前垢解溫風來薄暮天

東崗曉望

野濶風高透輦涼葛衫瀟灑歷層岡荒城孤鷺爭霞舉古
樹鳴蟬趁旭陽遞看溪流明細細遙憐邨色曉蒼蒼數年
俗吏同樵隱端爲山泉引興長

商城縣志

卷之十二

詩

四

西津晚渡

西郊碧水近城隈古渡風微畫角催日色半輪啣側嶺波
心平織浸高臺歸樵倚醉衝烟去獵騎垂橐帶影回燈火
千家方寂寂無邊秋思入懷來

文峯疊翠

簇成雁字寫鍾王遠岫分依一兩行贏得山靈真境界看
渠宇內大文章花開春麗披宮錦月轉天街散御香造物
毓奇需

龍潭卧月

螺髻烟鬟護小灘一珠獨映耐人看
新粧灼灼似銅鏡綺
帝垂垂碧玉盤
鶴摩空秋夜
龍驚起
寒披星
好待楓林晚可有高人把釣竿

商原春草

薜蘿映日粉青痕
六代遺封此尚存
遠鶴未能忘帝子
鳴鶴自泣王孫
茂陵玉匣人間出
疑殿蘭亭異世尊
何處暮雲吹急笛
萋萋春草滿春原

商城縣志

卷之十一 詩

獨峰留雪

絕巘蒼茫一道斜
翠微巔裡玉楂柯
千年不放峨嵋冷
六月爭開烏海花
山脉離颺瓊屑
補樹頭高點白雲
遮從教詩骨清于水
一片冰心點暮霞

大堂落成

青攢翠鎖擁山城
製錦慚非命世英
官舍卽今同旅次
隅聊以慶昇平
烟雲淡處看朝嶺
琴鶴清時聽早鶯
賴有諸君圖度久
綠莎非復舊蛩鳴

太守風流築鳳凰蒲城桃李燦河陽翻憐燕子烏衣國却羨元駒審雨堂心荷民謨謀樂利身承

帝澤矢劬勤敢誇治術追恭魯清白由來有二楊

視遠樓

不是金華守名高八詠樓青泉飛練合列嶂片雲留秦塞
籌邊策吳天望海流瘡痍懷郅屋瞻撫未能休

問古齋

荒城甘吏隱冷署任徜徉山翠圖書潤閣雲枕簟涼鳴琴
嘗徑寂把卷對爐香稽古猶多力吾生未肯忘

商城縣志

卷之十二 詩

五

義僕行

王 畧

嗟吾元福恩高厚汝來吾家年未久是時飛蝗遍寰區羣
小跳梁肆其醜就中獻賊更傷殘殺人如草無復有縣令
大節等睢陽義率士民堅城守奇計出自貴家兒乘間中
軍取其婦賊怒誓必破鄴城盡殺世族無雞狗吾父吾母
不變容罵聲不絕甘授首我時七歲倉皇間賴汝夫妻負
之走忠誠直可剖肝腸發願定與存王後突然一旦遇賊
徒殺汝血嗣割汝手惟有金石一片心百般脫我於虎口
裹創忍痛不堪言晝夜只匿林與藪中宵鬼哭共猿號兼

之風發並樹吼我亦驚恐弗敢啼人世顛連身並受數
南食武昌魚賣糕易米爲糧糗棲遲直待烽火消還家
然無破缶荆棘叢中結室廬瓦礫之間作竈曰田園多爲
豪右侵荒陵只留田數畝汝復力作走街頭供我膏火南
牕右奈何天不憐其衷數年又復喪汝偶我方博得弟子
員汝命終於六十九勉力營葬先兆旁秋霜春露一杯酒
方古白嬰真後身亦有善寄塔爲友嗟吾元福尙奴乎天
長地久實父母

望伏山文峯

熊奕久

商城縣志

卷之十一

詩

五

空翠蒼茫秋氣迴芙蓉如削望中開日邊地擁孤峯出天
際雲排疊嶂來高接銀河撐一柱輝聯奎壁映三台山靈
鍾秀無今古遮莫幽人卧草萊

再過三教洞

熊奕久

會蠟登山屐穿雲古洞歸薛迷麋鹿逕花覆薜蘿衣天地
無今昔滄桑疊是非與僧話往事去任轉忘機

鄴城懷古

拔貢

王輝曾

邑人

青山歷歷度征鴻斷塔稜層倚碧空飲馬池深秋月白卧
牛嶺澗夕陽紅空傳武后餘金粉不見蘇仙下絳宮太息

升沉今古異蕭條城郭暮烟中

其二

涵流終古自清虛故壘參差劫火餘廉吏

謂孫叔敖商與固原屬一邑

祠堂成寂寞指揮踪跡半消除蒼茫野谷埋銅井蕭瑟荒

原塋玉魚搔首不堪憑吊處舊家亭榭竟何如

清明日先慈墓下作

并序

歲己酉作此詩隨手置敗卷中不復記憶幾三十

年矣今偶搜出觸目悽然附錄於此

今歲入春寒食早野棠歷歷墓門道慈顏棄我十三年

先慈

商城縣志

卷之十一

詩

五

丁酉有酒但澆墳上草草色一年一度春白雲縷縷總傷

神世間兒子當回首莫作江湖行路人

世疇亡弟聘室熊女未歸守志賦以紀事

歲貢

王世琪

邑人

典謁纔嫺二豎傾深憐哀女似猿聲直因冰語千鈞重定

著麻衣一片輕富貴浮雲休入念筠松勁節豈沽名姑嫜

拜後還祠廟凜凜悲風到處驚

其二

一聞訃報直摧肝爲易莫能願效難截髮長封心志苦依

墳痛哭鬼神酸男婚女嫁何會了茹蘖吞冰自此看定是
乾坤鍾浩氣故將大節鎮狂瀾

其三

哭兒安敢效西河誰料香閨淚更多夫壻未會親面目衰
麻直欲換絲羅投繯未遂終焉計謁廟深明矢靡他喫苦
辭甘堅節定不磷已試尙憂磨

其四

錯節盤根志彌堅錐心絕粒事堪憐已封雲髻拋輕粉深
痛遊魂竄晚烟含淚雙親安此日承禋孤子憶他年從容

商城縣志

卷之十二

詩

十四

就義閨媛少扶植綱常覺汝賢

烈女行

事在乾隆丁巳女年十九約於是冬成婚而
沈亡母壻囑媒氏暗締他緣女知之遂自經
當道執歸太僕之說不欲上聞亦缺典也特
表而出之亦公義之不容泯耳

增生

熊啟冀 邑人

漆氏有女貞如琇許字沈卽年已久所天不祿喪其偶一
痛幾欲歸泉九娣姒交勸羣口口矢志冰霜無所苟母曰
天只女曰否致身不同瓦與缶女子有行期无咎誓欲酬
之效死守乃啖以金托鄰叟聘儀斑然色色厚母艷於利
亦相誘婚期一屆給之走别有安排任母受知而不言慮

掣肘入夜披幃滌塵垢哭奠沈卽一杯酒自從紅絲綰君
紐此身已爲阿卽有若將倫常置芻狗覘顏曰人實禽獸
羞抱琵琶另奉帚屍還沈氏我無負唏噓悼嘆急撒手絕
命終於園下柳雍容赴義金石友慷慨完節無愧忸陰風
浙瀝穿戶牖浩氣橫空射牛斗擬焉議焉誰其醜聞之萃
兮女之首嗚呼佼佼錚錚沈氏婦卓哉芳聲傳不朽

桎宿

熊奮渭

仲秋露正繁田家稻方熟偶然乘興作秋尋日暮遂投山
翁宿鉢罷徙倚步籬落忽驚山嘯風生壑老幼相呼急闔

商城縣志

卷之十二

詩

五十五

扉中夜喧聲震叢薄朝來向翁問所以翁說徃時某氏子
裘馬翩翩道舍人片刻虎嚼如犬豕昨聞又傷官銃手行
旅搏食難屈指官差捕虎驅健牯搜得虎子獻官府乳虎
不得官猶嗔不知幾命易一虎白骨栖霞委野草鬪饑歲
歲泣秋雨虎雖毒食有數吏逞威向誰訴寧遭虎食莫逢
吏怒君不見約地前日派狐皮又不見官差昨日派果狸
運米征派知幾番青苗賣盡牛瘟死近奉捐穀備荒年吏
不收穀收大錢五家該捐穀一石六石賣完錢一千傳言
近城虎真偽一虎相隨幾俵鬼虎飽無奈俵鬼多况有鬻

食狐鼠與蛇虺此身非不慕樂郊自歎餘生已無幾翁言
慘切欲涕洟令我聽之亦生悲吾聞聖世民風淳禽獸往
往遠避人又聞漢時循吏多猛虎紛紛傳渡河今日堯舜
在上相禹臯猛虎何爲偏當道對語未畢呼聲急甲首催
促上官稻嘆息謝翁不復語匆匆策蹇過山去

夏日與蘊九遊黃檗山飲農家

熊奔進 邑人

柳作牆垣槿作籬茆堂窄窄白雲迷一灣流水將田繞幾
箇幽篁夾路垂客欲談詩孫捧硯翁將進酒子持醅農家
滋味真堪賞簞笠何妨傍野麋

商城縣志

卷之十二 詩

五

過金剛臺蘭若看古寨

歲貢 熊奔昌 邑人

故壘依山劫火餘獨留木葉洒荒墟茆庵暝照青燐冷麥
隴寒淒白骨枯淮海烟消王氣歇楚山灰滅霸圖虛古來
多少興亡慨春草年年綠自如

西郊晚步

萬道晴霞蒸碧天夕陽歸騎亂河邊蛙孫池沼初鳴雨燕
子人家又禁烟楊柳綠遮門底巷桃花紅映郭西田暮春
修禊饒高興試檢奚囊益幾篇

江鄉漁樂園

拔貢 熊啟徽 邑人

溪流環漲渺無波盡日孤舟臥碧蘿一棹白雲秋浦遠半
江湘水月明多綠蓑帶雨輕鷗泛雲浪迎風斷雁過幾度
沉潭歸去晚得錢沽酒聽漁歌

金剛古寨

廩生

熊啟燕 邑人

搖搖旌旆拂雲低疊石層巒動鼓鼙過眼英雄莊蝶夢只
今惟見草萋萋

龍潭卧月

一輪清鏡卧沉淵皎潔龍珠澗底圓獨泊扁舟臨水靜月
光如水水連天

商城縣志

卷之十二

詩

五七

西津晚渡

灣環江水漲西津夾岸垂楊渡口陳獵馬歸來風景暮落
霞猶趁往來人

東崗夕照

閒從北嶮陟東崗拄杖行歌踏夕陽返照層層翻石壁歸
鴉爭繞樹頭忙

宿法聖庵

熊家渾 邑人

山頭一帶夕陽斜落日迢迢映渚花露氣照村疑似雨烟
光隔岸漫生霞題詩石上驚巢鶴招飲岩前噪暮鴉半榻

翩然清夢穩松風天外起誰家

集唐為節烈熊母黃夫人作

侍郎諡文良 胡 煦 光山人

忽驚天上管絃聲蘇頌顛倒蒼苔落絳英韓愈只欲甘心從苦

節賀朝清可憐寒食與清明唐元宗青山霽後雲猶在即士斑

竹年來筍自生張說一自人間星歲改韋應物玉簫哀絕醉離

情曹唐

節壽吟為熊母張太夫人賦 國朝檢 冉觀祖 中牟人

熊子賦竒姿文章擬歸茅我昔數讀之遙遙願定交熊母
夙遊難貞心屬多髦為感騎鯨去而亦踐風濤展轉志弗

商城縣志 卷之十二 詩 五十六

伸截髮奮剪刀自矢一何決存亡係兒曹提攜竟四遷有
踰仇氏勞伯也舒鵬翼仲也濡鳳毛祿養行將及含飴嬉
以遨節與慈相成德邵年彌高熊子時介壽徵言盡賢豪
遠道貽一編光焰照蓬蒿予欲續女史懿行付彩毫尙缺
登堂誼翹首竚 恩褒

蓮舫 武開吉

壬戌夏余於署之西偏新構斗室顏曰蓮舫以鑿
蓮池於西牕外也落成余友王大柘塘贈詩六章

都人士傳誦酬和佳什紛投輝生四壁每吟一過
殊覺不虞之譽滋我愧泚因成長句

我非解愛蓮味清心苦若爲緣屋胡名曰舫監水臨淵得
涵養休悵昂昂七尺軀木雞相似人擲掄旣不能捫星摘
斗直向蓬山頂上立又未到酉陽宛委撫拾笙簧肴饌於
葫蘆奉

天子命宰百里商原春草三綠矣雨暘時若民乂安考績
却慙何足齒身世渾如不繫舟一壺會說泛中流召棠無
我植寇栢非我留蒔得紅蓮花晨夕與日謀新搆數椽斲
容膝樂吾之樂憂吾憂噫吁噉蓮味雖清蓮心苦空言無
施切何補偶呼爲舫鮮成心水自潔兮淵自深

官舍雜咏

曉星猶在天荷香清宿醖漸看紅日上凌波炫屢嚶何必
千年花已絕非凡艷

蓮花曉艷

柏葉松身老孤高迥不羣近天遂朝日拔地耽卧雲盤桓
興我思風流蘇長君

古檜凌雲

爲愛明如鏡寧云直似弦盈盈一灣水天色相映鮮行立
小橋上倒影心超然

曲沼澄鮮

商城縣志

卷之十二

詩

五

茅亭山岳做夜夜先得月月過十五夜暝坐仰天闕六七
斗熒熒二三更忽忽草亭待月

宛若愚公移積累自平地苔封蘚蝕痕露出層層翠山色
入簾櫳蘊藉愜幽意小山積翠

石罅水淙淙尋源訝竒譎月出瀉銀濤雨餘飛玉屑昔我
聞筠州厥泉有噴雪石泉噴雪

連蜷雙桂樹金蕾含芬芳秋風一夜吹蒲庭聞古香昨曠
開不早艤船攀條忙雙桂含香

嫋嫋弄曉風津津墜朝露窈窕青琅玕深饒山林趣看竹

商城縣志

卷之十二 詩

六

起常早恐滑竹間路疎篁滴露

十二純紅白花鱗類數多萍開看啜喋文采辦無訛凸眼
觸錦浪品尾搖清波錦鱗啜波

仙禽愛毛羽舞影獨惺惺櫛沐風雨中養齊冲霄翎不爲
長太息棲爾非鶴廳孤鶴梳翎

商城十景

雄關天設擁孤城多事猶傳古寨名攬勝不辭凌絕頂萬
家煙火樂昇平金剛古寨

層岡起伏走修蛇西射殘曛送暮鴉染紫塗丹山麓裏老

農箕踞話桑麻 東岡夕照

秀峯森列出層雲翠黛籠烟入望紛怪得絃歌盈四野山
靈自古啓人文 文峯疊翠

落日西津暮靄飛樵歌漁唱聽依稀山鄉且喜游民少荷
篠人多帶月歸 西津晚渡

雨雨風風二月春芊綿草色綠成茵牧童放犢眠芳甸野
菜尋挑陌上人 商原春草

潭深千仞老龍蟠雨我田疇四境歡月在波心珠在抱珠
光月色夜深寒 龍潭卧月

商城縣志

卷之十三

詩

空

原泉混混氣蒸人不識誰燒地底薪爲勸往來池上客洗
心滌慮莫逡巡 湯池温泉

二氏何如吾道尊萬山深處廟斯存解人勿強分同異還
向源頭細討論 三教古洞

凸凹山形現馬鞍興雲出霧雨前看田家每到期甘澍不
驗鳴鳩驗翠巒 鞍山雨信

山寺晨鐘幾度催遲看紅日上庭槐老夫早起無餘事怕
有文人問字來 車轂曉鐘

金剛古寨

教諭 劉崧屏 登封人

古寨凌雲結稱名信不訛猙獰巖伏虎壁壘石降魔牧豎
嬉殘鏃山農拾斷戈金剛傳勝跡翹首仰巍峩

東岡夕照

斷虹收雨後天際晚晴時西陌光行斂東臯景暫遲一痕
鳥鵲背半樹綠楊枝疑是金雞唱三竿上六螭

文峯疊翠

天外芙蓉削人間鬼斧工四圍青未了萬態碧何窮縹緲
神山列雀巍

帝座通知同嵩嶽勝申甫在環中

商城縣志

卷之十二 詩

十三

西津晚渡

夸父堪投杖啣山日漸西鴉爭昏樹亂人逐板橋低岸跡
留香屨沙痕印馬蹄危峯同塔影還與畫圖齊

商原春草

草色芊綿處郊原一望勻頗添商嶺秀還綴洳波春綠映
青袍客碧分翠袖人我今來十載閱歷遍芳辰

龍潭夜月

天空雲乍斂潭淨月初來倒影聯珠顆流光漾蚌胎龍酣
千仞卧魚唼一奩開好作庾樓賞清輝絕點埃

湯池溫泉

源非涇與渭性異濁同清知是薰蒸久自然瀉吐成流觴
宜上已濯足任初庚此日鵝羣客無窮洗墨情

三教古洞

釋道誰何氏一龕共素王但求車器古寧問寶花香山色
排僧牖泉聲遠石梁何如洙泗畔近

聖仰宮牆

鞍山雨信

巨鎮堪崇祀神靈道獨尊每將千點雨先報萬家村雲氣

尚城縣志

卷之十一 詩

三

方凌漢冰條已挂門休言輸泰岳羅立似兒孫

車轂曉鐘

何處踈鐘發悠揚過碧岑敲殘山客夢喚醒旅人心曉箭
爭清漏朝陽感德禽楞嚴僧課動燈火暗禪林

鞍山雨信

拔貢 王輝會 邑人

田家水旱最關情翹首西山入望驚一縷雲烟觸石起百
川風浪看潮生問年無復占雞骨驗候何須證鵲聲十日
應期沾四野豚蹄歲歲祝昇平

西山古洞

繫馬空山下來攀古洞幽四時花作錦六月氣如秋泉傍
佛頭落雲從人回流凭高時極目大塊等浮漚

蘇仙石

何時燒丹竈遺石巉巖裡不見燒丹人白雲蒲山起仙家
有藥返朱顏仙人化鶴幾時還人民已非城郭是纍纍青
塚水潺湲

飲馬池

萬古一池水潏沉臨大道道上多征塵行旅何草草至今
想見英雄人當年萬馬若雲屯傳聞此是飲馬窟騅不逝

商城縣志

卷之十一

詩

六

兮空捨神

胭脂石 在橫溪山下

梳洗橫溪事已非殘香零落襯苔衣馬嵬也有閒金粉一
樣朱顏不復歸

偕同人登斗山閣

極目郊原共倚樓晴川一片見滄洲雲山歷歷連吳楚臺
閣亭亭近女牛城郭人烟悲故國登臨騷客盡清流殘碑
更在斜陽外淺草平沙弔古邨

謂商王墓

斗山閣九日雅集

老去爲憐氣尙豪乘閒且復到林臯秋山入檻薰晴翠流
水衝門泛晚濤勝日登臨同載酒他年風雨憶題糕菜莢
醉後須頻看節序催人已二毛

東岡夕照

歲貢 王世琪 邑人

沉沉落日晚猶明返照岡巒四望平鴉閃金輝旋古木雁
拖霞影落秋聲樓臺高下餘暉映城郭蒼茫暮靄橫何處
笙歌連畫角一鉤斜月又西生

烈女篇

編修 陸 言 錢塘人

烈女河南商城人故職員馮恢之次女許字同邑
子張惟翼乾隆甲寅冬惟翼遘疾歿女聞之請往

商城縣志

卷之十二

詩

奎

執喪母不可甚拂女
意越日竟縊死邊舍

苑彼蔦與蘿依依施松栢松栢旣摧柯蔦蘿焉托跡商城
有烈女芳聲稱藉藉問女許字誰張氏子惟翼納以明月
珠聘以雙白璧結褵猶有待百年心豈易惡耗忽驚聞悲
慘填胸臆口未親嘗藥手未親易簣夜臺渺音容卽君面
不識迨欲往從之恨爲形勢隔女情縑絲縑女心白水白
石爛海終枯貞忱故難釋睠焉求仁人髣髴不易得未仕
而報韓丈夫能夠國女雖孱弱身此志堅金石樹冷女貞
青血啼杜鵑碧悲雲四山頽白羅裂三尺

馬櫪舍

編修 鮑桂星 歙縣人

哀馮烈女也女商城人年十七未嫁而夫歿白於母將赴弔不可且慎守之女乘間趨空舍跳馬櫪死

馬櫪舍風颺颺中有鬼哭聲啾啾哭聲一何苦云是商城馮氏之烈女不恨生理連理枝不恨死作泉下泥婦人從一義所慊但恨未報春暉慈吁嗟乎從容慷慨俱貞操片念躊躇累名教陵毋傳言只勸忠趙苞疾戰寧非孝忠孝由來不兩全有一於此名可傳名可傳身已化風颺颺馬櫪舍

商城縣志

卷之十二

詩

六

賦 凡一首

秋思賦 有序

熊奕長 邑人

祝融司令有事秦闕流金爍石不足喻暑之烈也都門返署罔辨晨昏弱質病軀日焉挾纊風清月白涼氣襲人意者殆秋之高歟爰是興思乃為作賦雖非江淹之憾亦是宋玉之悲其賦曰

維白帝之乘權兮節為素而行為金纔斗柄之西指兮遂以肅殺而為心感寒鶴之知警兮戛然九臯而長鳴吊孤鴻之知返兮飄然南望而關情況夫某本蒲柳秋到淚零

白露盈堦紅枝蒲庭啾復唧兮蛩語悲還咽兮雁聲葉搖
搖而辭樹風蕭蕭而拂纓夜迢迢兮寂無譁月皎皎兮透
牕紗夢不到兮天之涯箋欲寄兮去路遐於是迴瞻景物
言寄心憂梧桐落兮天下秋芙蓉開兮江上愁雲樹蒼蒼
兮無盡頭河水茫茫兮迷歸舟歸舟不似昔年槎尋得河
源便返家風起蓴鱸思正美歸來松菊樂偏賒若夫秋天
如洗秋山如斫秋雲如喜秋風如怒餐秋英而憐飄零對
秋水而憶知音冷復冷兮秋露斷不斷兮秋礎暴秋陽而
悲行路沐秋雨而淚沾巾關山處處同秋色秋月偏偏照
之人此雖烹葵剥棗築塲授衣徒增聞笛之感無改登樓
之歎

商城縣志

卷之十二

賦

二十七

商城縣志卷之十二 續

附舊志詩選

郡邑各志之選藝文體例已詳凡例中矣第商邑明季兵燹之後載籍散佚前兩經修志採訪藝文頗費搜羅茲除本志選登外詩之遺入者尙有百首之多因另分一卷詳載於編以識前人之苦心以俟後人之採擇非敢自亂其例實所以存舊志之真也

金剛古寨

邑令 衡戴天 蓋州人

疊嶂嶙峋欲插天何年築壘萬峰前石隨巖起迴飛鳥客

商城縣志

卷之十二 詩

六

人雲層踏暮烟嶺上風聲疑虎嘯澗邊樹影擬龍眠共知烽火頻消日遠聽樵歌帶雨還

前題

黃 炫 更名卷

欂盤鬼聳插天涯嵐峴參差劍氣斜入水潭龍閒卧月依山野鳥任棲霞蒼崖日近開飛霧碧樹風高咏落花却自烽煙霖雨洗層雲影裡有人家

前題

王 調 邑人

險屯遺跡在幾劫去豪鳴王統如非速霸圖當復生山高今月靜瀑射古壘橫但使久安日惟留采藥聲

東岡夕照

邑令 衡戴天 蓋州人

薄暮含暉煙繞 城頭錦繡散人家亂峰照返凝蒼翠高閣光分映紫霞
舞平飛雜舊燕風翻急度識歸鴉江天色起林臯遠影對參差更自賒

前題

邑令 高材 寶雞人

流朱拂茜襍輕紅半向山阿半水中萬井凝嵐堪圖畫西郊新月已垂弓
浮空爽氣香嚴袂入暮天光影亂楓相對晚涼深淺處倩將燈火送歸鴻

前題

盧詔俊 邑人

商城縣志

卷之十二 詩

六九

城裡登臨散晚霞烟含錦繡萬人家飛來紫燕歸樓閣遶向簷前擬落花

文峰疊翠

邑令 高材 寶雞人

千峰高聳插雲霞萬木陰森石徑斜獨覽畫圖山色翠描來彩筆疊飛花

前題

黃炫 更名卷

疊聳孤峰黛色茫千山翠點倩新粧白雲層裏書人影綠樹枝邊識雁行
嵐銳插天疑彩筆花斜映水作文章偏經雨過風光好遙對

帝城萬里長

前題

熊輿 邑人

峭嵐削起托根長似劍參差似筆芒影搖壁水翻芹浪色
接天孫織錦章雲潑臨池飛墨燦霞明入閣照藜光蒼茫
極目煙飄遠繚繞芸氈萬卉芳

其二

嵐插錦繡出孤汀疊聳天邊插翠屏色映雲霞飛彩筆石
花日日點峰青

西津晚渡

邑令 衡戴天 蓋州人

商城縣志

卷之十二

詩

車

水繞沿城沙落鷗斜暉山半紫霞浮漁歌岸畔聲歸急樵
影橋邊水倒流燈火疑傳舍萬井煙光暗渡下孤洲馬蹄
踏起蒼苔破搖映星河暮藹收

前題

黃炫 更名卷

環遶傍城鹵野濱漁樵歸晚隔重闌浮光落日天如水靜
影殘霞月近人石溜踏開雲裡浪星波翻起岸邊濬樓頭
鼓角催聲動拍渡關河急暮津

前題

鮑知管 邑人

碧樹烟村映晚霞馬蹄踏起亂平沙餘暉草色欲侵眼殘

照波紋遶落花遠近山雲留雉蝶高低燈火散人家歸來
漁父持竿罷疑有絲綸水上斜

前題

周鳴臯 邑人

拖城襟帶繞西流渚淨沙平古渡頭沽酒斜陽歸石步採
蘋落照踏莎洲四山雲影催人涉百雉析聲拍馬浮淺水
環波無巨浸褰裳卽是泛虛舟

前題

李御業 邑人

雲收掠水渡深谿日暮烟含聽馬嘶宿燕入樓聯影亂飛
螢穿柳送光低行人呼酒覓殘市農子歸耕帶晚犁古堞
月生蒼岫外遙看燈火望中迷

商城縣志

卷之十二

詩

三

商原春草

邑令
衡戴天 蓋州人

春色平原藹墓田芳草疑是結青編風流碑影雲流嶂水
映冰心月映天千古文章馨石隧百年聲氣繞山川遙知
共憶王孫處遺塚猶生起暮烟

前題

黃炫 更名卷

春風芳草日萋萋煙遶城邊細雨迷石隧穿雲碑影寂平
原古樹杜鵑啼

前題

熊開泰 邑人

杜宇啼聲處連天翠藹浮合煙迷斷碣連影媚荒邱曙色
依峯駐晨光帶雨愁暮田綠隧道渾似楚宮遊

其二

舊國遺封事殘碑伴草隈春疑青塚合牧愛白羊來映水
分千柳叢山點幾苔回看隴上樹影落蒲荒台

前題

熊輿 邑人

荒邱二月暮原畔綠萋萋雲密難留缺風疎何處低嫩偏
招野蝶淺更卧山懸牽惹王孫路頻教獵馬嘶

龍潭卧月

邑令 衡戴天 蓋州人

商城縣志

卷之十二 詩

七

新月飛空潭影橫一輪水鏡恁孤清光連遠樹疑霜影彩
繞平沙雜雁聲拍岸波搖金砌錦臨風紋起水爲城夜深
人跡常稀渡珠映龍卧自不驚

前題

邑令 高材 寶雞人

一天秋月映龍蟠錦浪風生雲影殘夜色寒潭清徹底披
星待露動人看

前題

黃卷 邑人

碧潭夜色蒲平川誰識蟠龍帶水眠頭角放開雲上去月
明翻起水中天

前題

鮑知管 邑人

月上東林樹影殘沙明遠映月光寒波翻鱗甲秋風動煙
捲星河夜色闌秦鏡飄搖出石窟隋珠繚繞走冰盤蟠龍
未起知眠在擬任溪雲漫過灘

前題

周鳴臯 邑人

誰捧冰盤瀉碧清水平天遠恁空明驪龍睡穩霏珠映玉
兔影留墜杵砵信宿漁人搖艇雪醉歌笠子飲壺晶岼邊
樹色丹山影繚繞波光數點橫

湯池溫泉

邑令 衡載天 蓋州人

商城縣志

卷之十二

詩

七三

沸沸溫泉出石頭應知南國無雙流山中雲物疑三島池
底乾坤到十洲光映滄浪常滾滾氣蒸江漢永悠悠從來
濯得遊人暖不盡煙波日夜浮

前題

邑令 高材 寶雞人

澗流壑漱白濺濺詎讓清涼作一泉測景蒸雲留夏日補
天煮石餘炊煙波濤定逐魚龍遠涓滴寧非覆載偏領取
寒溫飽一掬好將膏澤潤山川

前題

黃炫 邑人

常擬泉流出煉磯氣蒸沸湧火雲飛共知池底春風暖浴

罷遊人漫咏歸

前題

王調

西南山半石濯濯出温流寧比驪山幸當同沂水遊時宜
冷跡入地未熟中收謹謝僻山好誰將車馬投

前題

王畧 邑人

山畔火雲擬蒲川沸聲滾滾湧湯泉浴來曝負秋陽日流
到暖生晚稻田當擬燒丹將煮石還疑燠水似烹鮮岑幽
磊落迸源出未許池栽白玉蓮

三教古洞

邑令高材 寶雞人

商城縣志

卷之十二

詩

七言

西望桃源地探竒卧治餘雲依佳閣迴風入危簷虛層徑
孤峰轉一泉三教初俗腸如可濯不數島中鷗

前題

黃炫 邑人

孤洞嶙層日上斜千盤石徑插天涯平峰古木餘歌鳥迷
澗清香半落花飛霧巖遮疑暮雨流泉簷滴映朝霞青牛
白馬歸麟閣三教源同只一家

鞍山雨信

邑令衡戴天 蓋州人

山容何事常留羈頰向雲根待信傳迷徑好花隱薄霧平
巖古木起飛煙風來岫外侵衣冷雨出峯頭勒馬還收拾

層巒蒼翠去水紋殊織蒲平川

前題

邑令 高材 寶雞人

山影崔嵬霧影重晴嵐每故帶陰容林昏殊覺日光淡石
潤偏沾雨意濃蕭颯聲飄期日印滂沱勢發倩雲封非關
嵐氣招霖沛定是中峯卧螭龍

前題

黃卷 邑人

雕鞍何不共沙場留報山中雨信長霧擁重雲霖雨急飛
來萬馬拍邊疆

前題

周家琦 邑人

商城縣志

卷之十二 詩

七五

萬谷奔騰野霧堆密陰屯駐半天來風催繚亂雲旌動送
盡為霖自莫猜

前題

周建宗 邑人

深山無響冷烟波大地清音勝鼓鼉禪夢已回敲古寺香
烟方動出幽阿千林墜葉聞鐘舞一派長流聽水和醒我
塵迷今已極自將身配老松柯

獨峰留雪 餘景附

黃炫 邑人

頂天皓首幾能儔萬木琳瑯隱玉樓
帝里春風迎曉日冰心高映白雲收

前題

鮑知管 邑人

遙對千巒色却蒼凌霄獨積玉成行巖邊彩映疑輕霰嶺
上光凝似薄粧懶畫山容風自勁閒消谷影日偏長峯孤
常映冰心遠壁立蕭蕭頭已霜

龍泉瀑珠

黃 卷 邑人

驚瀑飛流百尺泉石潭噴起百珠圓波翻樹老潭龍影搖
倒月來水上天

前題

周鳴臯 邑人

飛泉瀉壑下千尋界破烟巒響聒林岸畔蒼苔常帶露澗

商城縣志

卷之十二 詩

七六

邊碧樹盡沾陰色疑峭壁拖銀練聲似空山鼓玉琴清韻
自非塵俗調滔滔不斷老龍吟

前題

楊 莛 邑人

珠飛疑雪落千尋激破蒼巖半壁金碎玉簾縈風卸陡奔
雷聲動起龍吟

船石橫舟

黃 卷 邑人

大地却如渡猶將石作船孤村兩岸近新月橫洲懸苔影
星河動波紋烟雨漩仙舟誰是泛漫繫白雲邊

樵影石門

鮑知管 邑人

雲掩石闕暗薜蘿樵人薄暮帶霞過山邊踏破還拴履風裏吟殘慢繫柯村遠自聽人語少林幽偏雜鳥聲多蹉跎岐路歸來急月蒲蛙出盡作歌

釣臺夜漁

黃 卷 邑人

巉巖危壁漫垂綸何處漁郎會問津沙靜草明漁怯釣波平露冷月親人長天色映連舟楫古樹陰流倒水濱兩岸歌聲拍鳥語時時喚起夢中身

前題

周鳴臯 邑人

商城縣志

卷之十二 詩

七

叠叠嶂巒擁翠鬢持竿誰取碧流灣數莖短髮澄潭上一曲長歌暮雨間驚醒魚龍懷遠澗遠邀猿鶴響空山磻溪雖重丹書老泉石清音未可刪

章山孤岫

黃 卷 邑人

爲疑天上落獨對萬山孤草碧連雲暗峰青帶雨殊層嵐絕野徑峭壁斷飛鶴自是鐘靈起煙光點畫圖

栗尖疎蘿

周鳴臯 邑人

竒峰如劍插山阿俯仰松筠帶薜蘿木杪常爲雲宿舍石巔疑作霞栖窩悲聞曠野蒼猿泣音澈長空怪鳥歌謝眺驚人詩可誦攀藤欲上獨吟哦

前題

楊 蕙 邑人

烟鬢嵐髻瀑爲裳高踞天風撼石墻併是凌寒隨栢老羞
同蔓草伴山蒼霽搖晴壑留雲卧晚曳秋風帶雁忙極目
繡屏插萬壁野梅花落送溪光

前題

黃 履 邑人

倒峯挽翠碧插天綽約風來帶晚烟葉響鶉啼聲上下月
生石上影娟娟

九峰蔚霞

黃 卷 邑人

九峯千嶂起海外疑飛來碧草迷天影蒼松繪石苔徑從

商城縣志

卷之十二

詩

七六

雲上曲烟接霞邊開多少菁葱處幽深不盡猜

石佛古寺

黃 卷 邑人

古刹鐘聲何處尋斜穿曲徑入雲林蒼苔樹色孤松冷危
澗花香落月深貝葉大千天映水曇光丈六日浮金欲知
亂石曾頭點須識佛心一石心

同彭弼岑行新山中偶感

明延年

與君緩步來空谷到處逢人莫問津鳴鳥堪爲同氣友環
山盡作受降城澤中惟有孤鴻遶世界將無芻狗陳覺得
桃源先避世相期高卧理絲綸

以上錄高志

過紫芝山劉元子故居

彭滋

重過楊雲宅碧桃尚自花其如高士去遂令暮藤遮竹已
荒三徑書應散五車洞天亦寂寞何計駐年華

重出

金剛古寨

邑令高材寶雞人

設險天中恃此邱峭巉高借捧雙眸東風過雨晴嵐出絕
壁迴露落雁留松老芙蓉班駁護霜殘禾黍碧苔浮無能
咫尺攀層磴誰使烟鬢鎖劍緌

前題

沈一澄邑人

商城縣志

卷之十二 詩

七九

轟上巉峰怒且亢隻身入窟被山囊奔流鼓石泉敲韻舞
樹繫空風奏簧懸碧仄拖天塞谷回紅斜掛壁凝腸飛猱
一國侏僂小敢向雄關作戰場

東岡夕照

沈晷邑人

烟含萬井映輕紅城外層巒遙望中繚繞楓林留樹色霞
飛樓閣月玲瓏

文峰疊翠

訓導牛龍文太康人

倫堂南望見文峯振起宮墻萬筆聳人字寫成天地巧層
層蒼翠瑞雲封

其二

去天一握頰如鍼萬丈離光穿月心
樹發層巒花戲生絕壁響敲金氣蒸
闐闐雲霞繞勢壓宮墻龍虎吟
應同三十六周家禮樂密森森

前題

鮑知管 邑人

疊峰孤聳映宮墻突起青青點翠粧
常帶風雲添錦繡頻參天地作文章
花飛樹色來窻影彩繞石苔拍壁光
自是鍾成景物滿遙看京國賦長揚

商原春草

訓導 牛龍文 太康人

商城縣志

卷之十二

詩

全

洪鈞得轉徧萋萋狐兔牛羊古墓低
每歲綠紅草復舊有時風雨鬼增淒
殘碑不與生民改石墜應招柱鶴啼
麥黍披離同一色纍纍鬱鬱積城西

龍潭卧月

鄭鼎 邑人

月在碧空龍在潭月潭相映月光函
翻掀星斗驚鱗甲繚繞波紋起岫嵐
石窟驪珠天影動冰盤玉兔水心參
遙知龍睡三千日夜倒金輪伴欲酣

鞍山雨信

楊蕙 邑人

千峰爽氣至萬壑疾風因雲物皆如
馬山林不誑人溪光

凌遠壁冥色黯歸鴉一夜梅花圃添將幾樹春

過楊浴暘菽水園

西陵

曹應昌

號石霞

灣環一水照枯椿
讌客當年綠野堂
雲影已如時事變
鳥聲猶作舊階忙
高柯綴子元飄蔭
蔓草牽人暗度香
藁本樓臺真嘯傲
碧欄何限鎖愴惶

賀汝寧沈麟崖孝廉秉鐸睢州

楊維鉞

邑人

才名嶽嶽沈休文
玉立丰標振汝墳
廿載青氈修鳳羽
千尋白雪老龍雲
門墻淮泗香芹藻
肘腋嵩華大斧斤
指日絲綸歸翰院
可能一誌鷺鷗羣

商城縣志

卷之十一

詩

全

題許州大節亭

四首之二

李御業

邑人

千年大節樹祠堂
一炬重分日月光
縱使神奸窺漢鼎
偏教魑魅認春王
沾袍獨效秦庭哭
逐鹿誰甘許下狂
兀坐如今不假寐
祇緣忍死待餘艱

其二

軟血何會在坎牲
明明無着與天親
石邱正首難忘本
案鞅執鞭不負人
權可安欄調虎養
休將巧篆使龍馴
先生十九光長見
法眼亭高日日暎

寒宵對月

楊

起問家山月何須此處明空堦徒皎皎俗慮枉營營
衣裾甚心灰怨悔平棲鳥猶未定樹影到窻橫

廢屋

楊 蘅 邑人

不識何人屋歷年風雨知翻因淒楚地追憶笑歌時壁破
雲長蒲蓬高日上遲秋蟬聲咽樹空自搜寒枝

過蕭鶴聞墓

四首之二

王 畧 邑人

荒郊悵望草萋萋墳對東山水注西特剖韓陵一片石細
鐫姓字為君題

其二

商城縣志

卷之十二

詩

全

浮生庵寄海天涯冀北江南總是家蝴蝶古今同一夢壯
懷激烈莫咨嗟

饑色 已未

周建宗 邑人

秋歛家家怨歲饑農人空束草莖歸罇罌寥落豚雞瘦
餽蕭條蟲特肥自是歉年艱剩穀却教永日減殘糞田惟
稿木禽猶餒索哺哀鴻遍野飛

連雨大水為災 戊申

周建宗 邑人

草豐蛙鼓亂雨驟樹音繁水映明如月雲濃朝似昏
鬧屋猶海市僻巷擬江村偶出乞隣火清漪浮葦門

遊岳姑頂次韻

熊奕久 邑人

連騎幽尋過水涯喜逢博物有張華
山腰晃白猶疑雪石面爛班却是花
呼吸想應通

帝座浮沉何處問仙槎無緣古洞還
修妒口斷松嵐萬丈霞

望伏山文峯

熊奕久 邑人

空翠蒼茫秋氣迴芙蓉如削望中開
日邊地擁孤峰出天際雲排疊嶂來
高接銀河撐一柱輝聯奎壁映三臺
山靈鍾秀無今古遮莫幽人卧草萊

商城縣志

卷之十二 詩

八三

過金剛臺蘭若看古寨

熊奕昌 邑人

故壘依山劫火餘獨留木葉洒荒墟
茆庵暝照青燐冷麥隴寒摧白骨枯
淮海煙消王氣歇楚山灰滅霸圖虛
古來多少興亡慨春草年年綠自知

西郊晚歸偶成

熊奕昌 邑人

郊外晴波映水天夕陽歸騎亂河邊
蛙孫池沼初鳴雨燕子人家又禁烟
楊柳低遮門底巷桃花遙帶郭西田
暮春修禊饒高興試檢奚囊益幾篇

寄黃總戎天璞

黃

一鼓挂吳鉤塞上何人養虎頭黃石藏書共
銅高柱應鐫等旌旗不讓河陽壘詩酒重開元亮樓
儒生徒抱膝幾時走馬過通候

寄龍泉關黃守戎

雷澤

會鑄龍泉數十年喜看君手握龍泉岱華以北青萍吼
斗之中紫氣燃萬戶金章懸肘後九重貂帽賜軍前何時
走馬長安道好向雄關醉綺筵

大堂落成

陳六典 安陽人

幾年荆棘見荒臺此日堂成瑞色開烏革翠飛新萬象竹

商城縣志

卷之十一 詩

八

苞松茂映三臺美哉輪奐鍾人傑允矣經營羨子來從此
蒞民頒異政千秋樂只頌臺萊

熊母張太夫人節壽

孝廉熊奕久母

牛龍文

太康人

橫塞乾坤大節孤兩朝國史紀會無昔聞白髮多賢母今
拜高堂古丈夫玉骨真堪濯浙水香名不止滿梁都梅稍
上壽傳青鳥好續歐陽畫荻圖

過朱仙鎮謁武穆祠

彭貞維

夏邑人

臨安定策已云多誰許將軍直渡河風勁猶傳鳴鐵騎星
芒尙記冷金戈只知國是爭從戰那信人非竟用和淚洒

中原秋草碧忠魂常伴月風迤

獨鶴

許錫光

會稽直上鼓雷門湖渚孤山隱一村
園苑好貞金玉性芝田休戀稻梁恩
浴依曲澗驚文藻子落楸枰攬夢魂
自是蘇耽歸去後星星仙語露刀痕

前題

彭貞維 夏邑人

江妃環佩聆清音疎竹長松傍翠陰
六翼舞隨三寸管九臯聲和七絃琴
孤標印石金風冷高韻摩空玉露侵
檻外千峯容嘯傲雙輪曼曼起平林

商城縣志

卷之十二 詩

全

前題

顧御龍

冲天久鎖失華亭閒立蒼苔刷倦翎
明月盤旋翻雪影清波盪漾拂沙汀
蘇君北地愁無與屈子羅江恨獨醒
待爾養成新翮健三山海上振青冥

題楊振庵園林

吳聖任

三徑何人抱膝眠幽居詩畫綠楊船
玲瓏琴石高山調漱灑杯池曲水濺
榻下南州吟白雪尊開北海動朱絃
層樓最是難忘處面面奇峯入輞川

龍潭河觀水

許白重

風雨喧闐警斗刁三年蘇醒土山焦浣花溪小涿金
翠池平帶綠腰柳暗鶯聲沙徑滑雲迷驢耳錦囊挑結廬
好訂他年約坐看烟巒淡墨描

咏雨後薔薇

許自昭

絲絲雨細曉雲濃亂點胭脂錦繡叢惆悵惜花無御史忍
教掩翠濕低紅

咏芍藥花

許自進

海棠睡醒粉痕濃蜀錦低翻碧玉叢含雨牽風嬌欲語
珊瑚朵朵簇絲紅

商城縣志

卷之十二

詩

八六

溫泉道中

許自重

蝌蚪翻池亂活東驪山重試馬牛風鶯梭細浪凝全碧燕
掠香泥隱墮紅野壑生雲金谷斷疎藤覆澗玉泉通丹青
好手難摩倣四顧蒼然躡太空

得月樓

許自期

月夜登臨得月樓天涯春老憶揚州畫欄花錦簾前影曲
檻荷錢水面浮聽去官池蛙閣閣覺來蕉夢鹿呦呦遠山
不盡雙螺黛詩卷爐香第一流

以上錄許志

卷之十二 終

